

MWEYA WEZVOKWADI



...tenda.

Ngatirambei takamira kwekanguva zvino tichinamata. Ngatikotamisei misoro yedu.

² Baba vedu voKudenga vakarurama, patiri kuswedera kwaMuri zvino nemuZita iroro rakazvikwanira muna zvose raIshe Jesu, tinoda kuKupai rumbidzo nokuda kweizvo zvaMakatiitira, izvo zvakaonekwa nemeso edu, uye nezvakanzwikwa nenzeve dzedu mumazuva ano okupedzisira ezviitiko zvokupedzisira zvenhoroondo yenyika ino, apo nguva iri kunyangadikira muZiyendanakuenda, uye tinoona Zviedza zvichipenya, tinoziva kuti hakuchisiri kure zvino kusvika paKuuya kwaIshe Jesu.

³ TinoKukumbirai, Baba voKudenga, kuti mutirangarire manheru ano. Uye kana paine chakaipa chipi zvacho matiri, chibuditsei, Ishe, manheru ano, kuti tive vanogamuchirika kwaMuri kana Mungauya manheru ano. Tinonamatira vanorwara nevanoshaya.

⁴ Tinonamatira Chechi yeNy, zvose pano nemhiri, kwese pasi rose, vana veNy vari kwese-kwese vemunyika dzose, kuti tigosuka nguwo dzedu muRopa reGwayana, uye tichiteerera kudana kuya, "Tarirai, Chikomba chouya. Budai muChichingamidze." Dai tikakwanisa panguva iyoyo, Ishe, nenyasha dzaMwari, uye nekukodzera kwaJesu Uyo watinovimba naye, kuti tigadzirise marambi edu topfuirira mberi zvino kunosangana neChikomba. Torai Shoko raShe manheru ano uye mudzingise mwoyo yedu. Buditsai kunze kusatenda kwese. Tipeiwo shumiro huru. MuZita raJesu tinozvikumbira. Ameni.

Garai henyu pasi.

⁵ Zvakanaka chaizvo kudzoka pano mu...nzvimbo ino tsvene yaShe, manheru ano, mushumiro. Takava nenguva yakabwinyiswa zvikuru manheru apfuura kumusoro kwe... Hama Groomer. Uye ndinorangarira gore rakapera takava nenguva yakabwinyiswa.

⁶ Takava nenguva yakanaka, kwese-kwese. Ishe vachangobva kutiropafadza zvakanyanyisa kwazvo, kupfuura zvandakambofunga kuti Vaizoita. Asi Valkangozara netsitsi nemutsa. Zvakangonaka kuVaziva. Handizvo here? Uye kufunga kuti "KuMuziva, ndihwo Hupenyu." KuMuziva, ndihwo Hupenyu.

⁷ Zvino, mangwana manheru, tichange tiri zasi kuCentral Avenue Assembly, ndinotenda kuti inodanwa kudaro. Hama

Fuller, imwe hama yakanaka. Uye ndinofunga kuti ichechi huru zasi uko. Uye tiri kutarisira kuti pamwe tinogona kuva ne—nemutsara wokunamatirwa, kana zviri zvakanaka naHama Fuller. Saka isu... .

⁸ Uye zvakare, ma—mangwanani anotevera, tichange tiri, ndinotenda, inonzi Apostolic Church muno muPhoenix. Uye handirangariri chaizvo kuti ndiyani mufundisi, hama iya, yaiva ani. Ndaiveko gore rakapera here? [Imwe hama inoti, “Kwete. Ichechi itsva, yekuMexico, Hama Branham.”—Mupepeti]

⁹ Uye zvakare Svondo manheru kuchechi yeHama yedu Outlaw inokosha kumusoro kuno, Jesus’ Name Church. Uye ndine tarisiro huru, nemhuri yangu, kuti tipindemo uye tinzwe kumwe kwekuimba kuya kwakanaka.

¹⁰ Billy Paul anofanira kurwuziva, rwose, nemoyo. Takaridza rwiyo irworwo, *Ndiri Kuenda Kumusoro, Kumusoro*, kusvikira, kutaura chokwadi, chinhu chakasakara, patepi. Anotanga muhofisi, uye nguva dzese dzezuva pandinoendako, zvisinei, ari kuridza irworwo, “Kumusoro, kumusoro, kumusoro.” Ndechimwe chinhu! Takarwupedza nokurwuridza, zvino rekodhi rave pedyo nekusakara.

¹¹ Munoziva, ndaita sendava nemamwe manzwiro manheru ano, okuti, ndiri kuti shoshomei zvishoma, ndafunga, “Ini zvangu, dai ndangoona mumwe munhu, aizotaura panzvimbo yangu,” uye zvaitika kuti ndatarisa neche apa ndokuuna Jack Moore. Saizvozvo chaizvo. Handina kumbo... Oo, ndinotenda kuti zvingangova zvakanaka, Hama Jack. [Hama Jack Moore vanotaura—Mupepeti] Zvino teererai kune izvo.

¹² Uye ndinotenda kuti ndinoona Hama Roy Borders vagere pano, zvakare. Hongu, changamire. Hama Noel Jones vagere neche kuno. Oo, ini zvangu! Tingori pano tose, kwese-kwese. Ndinofunga ingave nguva yakanaka, pamwe, kana ndaizorora zvishoma, munoziva, uye ndoita kuti vamwe vevarume vakanaka ava vauye kumusoro kuno vataure panzvimbo yangu kana ndakashoshoma, munoziva. Hama Jack vati, “Ishe havasi muchizaruro ichocho.” Saka, ndanga ndakaneta pandauya. Uye nda—uye ndanga ndakaneta zvishoma, nguva yose iyi.

¹³ Uye ndinoona vanhu vakamira apo, uye kuti vanofanira kumira sei, uye ndinoita sekufara kuti ndakamira pamwe navo. Zvino, Ishe vakuropafadzei.

¹⁴ Uye tiri kutarisira zvino kune mimwe misangano iyi iri kuuya. Uye zvakare vhiki rinouya uri zasi kuPentecostal Assemblies, uye zvichikwidza. Uye tinopedzesera, manheru eChitatu chinotevera, pa11th naGarfield. Handisi kungokwanisa kuirangarira yose mupfungwa. Pa, ndinotenda, First Assembly of God muguta. Uye—uye zvadaro konivhenisheni inotanga paRamada.

¹⁵ Uye zvino kune mabiko eBusiness Men zasi muguta gu—guru remuArizona: Tucson.

¹⁶ Uye ndizvo, tose tinoziva kuti Phoenix nenzimbo idzi, dzingori kunze kweguta iroro. Uye ndizvozvo. Ndiyo nzvimbo huru. Ndiro guta rokumusha kwangu, munoziva, saka, uye saka, pamusoro pechikomo. Uyezve iyi, kungoti, iri hayo kunze kwaro, handiti, zvakana ka kuva nemi mose sevavakidzani, saka . . .

¹⁷ Ndinotenda vaiva Hama Rasmussen, humwe husiku, vakataura zvime zvadaro mumusangano, uye, oo, ini zvangu, zvikaita sezvichatovhiringa musangano. Ndinotenda kuti taiva—taiva kuHouston. Zvino aive Ramsar. Ndiye akanga ari iye wacho. Vakati, husiku hwakaburuka Mutumwa waJehovah, vakatora mufananidzo, zvino vakati, “Imi mose vanhu vari pano vanobva—vanobva kuDallas,” vakati, “tinoziva kuti ndiko kunze kweHouston.” Uye, oo, ini zvangu! Texas haina kukwanisa kuzvigamuchira, sezvamagona imi vanhu vekuArizona. Saka pakava norunyararo rukuru pamusangano wacho.

¹⁸ Zvakana ka, Vakanaka kwazvo. Uye zvino ndinofunga tichavhura muRugwaro pano, uye tongopa kachapupu kadiki kwechinguva. Hazvingaiti sekuzvishandura here? Ndakangochitaura kwakawanda-wanda kwazvo zvekuti ndave kutonyara kukutarisai. Uye pamwe ndikupei kuzorora zvishoma, ndopa chimwe chapupu chekunaka kwaIshe wedu.

¹⁹ Ngatiwanei nzvimbo muna Mutsvene Johane, chitsauko 16 chaMutsvene Johane. Zvino ndina 16:12. Ndinoda kuverenga kubva—kubva panzvimbo iyoyo muEvhangeri yaMutsvene Johane. Ndinofarira kuverenga Shoko, nokuti Shoko ndiro rinotiita kuti tizive kuti iChokwadi. Kutanga nendima 12, uye nyatsoteererai zvino, nokuti ndinoda kupa chapupu.

²⁰ Uye zvakare tichaedza kuti kurumidzei kupinda zvishoma. Ndanga ndichikuchengetai kusvika nguva dzapera kwazvo. Uye mangwana manheru, handiti, tichagara nguva yakawedzerwa nehafu yeawa. Zvingaita inenge one'clock, handizvo here?

Saka, saka, uku kutanga nendima 12:

Ndine zvizhinji zwandinoda kukuudzai, asi imi hamugoni kuzvigamuchira zvino.

Asi kana iye, Mweya wezvokwadi, asvika, uchakutungamirirai muzvokwadi yose: nokuti haangatauri zvake; asi izvo zvaanonza, ndizvo zvaachataura: uye uchakuratidzai zvinhu zvinouya.

Zvino achandikudza: nekuti achagamuchira pane zvangu, uye uchazviratidza kwamuri.

Zvinhu zvose... Baba zvavanazvo ndezvangu: naizvozvo ndakataura, kuti uchatora pane zvangu, uye uchazviratidza kwamuri.

²¹ Munoziva, manheru apfuura, kunyanya, takava nemuraidzo mudiki weizvozvo. Zvino, isu zvatiri vanhu veFull Gospel, tichitenda mukushanda kwese kweMweya Mutsvene. Uye zvino, ndiyo nzira chete yatingave nayo veFull Gospel, kutenda Vhangeri rakazara, zvose zvakanyorwa naShe. Uye ndinotenda kuti isu tiri, pachedu, hatisi chinhu. Takangofanana ne... .

²² Sezvandakataura kuna Hama Carl, nezuro, ndakatarisa muti, ndakati, "Hausi muchindwe wakaisvonaka here? Asi, shure kwezvose, hapana zvimwe zvauri kunze kwematusu edota rematombo akanyungudika. Ndizvo zvega zvauri." Uye ndakati, "Wakasiyana zvakadini zvino nemuti wemugamu uyo. Saka, muti wemugamu chii? Dota rematombo akanyungudika, rinongori nehupenyu huri mariri." Uye ndikati, "Shure kwezvose, ndimbori chiiko uye umbori chiiko? Dota rematombo akanyungudika, ndizvo chaizvo, akabva muvhу; guruva renyika, rine hupenyu mariri."

²³ Asi hupenyu hwega-hwega hwakadyarwa nemupi weHupenyu mukuru, uye Anonyatsoziva maitiro acho uye nezvekuita zvacho. Uye zvose zvaVakaisa pano panyika ndezvekuitira kubwinya kwaVo. Nyeredzi dziripo kuitira kubwinya kwaVo. Mhepo dziripo kuitira kubwinya kwaVo. Maruva anoitirwa kubwinya kwaVo. Uye isu tiri korona yekubwinya kwaVo.

²⁴ Asi zvinoita sekunge zvinhu zvese zvinoVateerera kunze kwemunhu. Munhu anongoita sekunge... Ane nguva yakadaro, nokuti ndiye chinhu choga chakawa. Zvimwe zvese zvakaramba zviri muchimiro chazvo chepamavambo. Asi, munhu akawa. Naizvozvo, Mwari vane hondo naye, yokumuita kuti aite zvakarurama, uye kuti ateerere.

²⁵ Uye rimwe rematambudziko makuru aMwari, zvichidzika nemumakore, nhoroondo yechechi ichienda mberi, ndiko kuwana mumwe munhu waVanogona kupinza mukushandisa kwaVo kuzere. Vanongoda munhu mumwe chete. Vakagara vachishandisa munhu mumwe panguva imwe chete. Takazvidzidza izvozvo husiku hushoma hwapfuura: munhu mumwe chete, kwete boka. Vanongoda mumwe chete. Ndiye oga waVanoda. Nokuti, vanhu vaviri vaizova nepfungwa mbiri dzakasiyana. Vanongogadzira, ipapo, munhu mumwe chete, voZvimiririra kuburikidza nemumunhu mumwe chete iyeye. HaVana kumbozviita neimwe nzira kunze kwaiyoyo. Maona?

²⁶ Zvino, Vane Munhu mumwe chete nhasi, uye Munhu iyeye ndiye Uyo watangobva kuverenga: Mweya Mutsvene. Ndiye Munhu akatumwa naMwari, Mweya waJesu Kristu munyika, Mweya waMwari, kuratidza nokuzivisa Kristu kubudikidza neChechi yaVo, munoona, kungoenderera mberi neHupenyu hwaKristu kubudikidza neChechi.

²⁷ Zvino, chinhu chinoshamisa kwazvo, uye—uye zvakadaro chiri nyore kwazvo, kana taingomira tofunga. Tinomanikidzira, tinodedera, ti—tinotya, tinopinda mukushushikana nekupokana, tichingofunga. “Saka, ndinofanira here kumanikidzira kupinda mune...?” Handizvo izvozvo. Kungozvipira, munoona, kucherechedza kuti hausi chinhu, uye wongo Varega vachiva nehutongi huzere newe, vova nehutongi pamafungiro ako, kuva nehutongi.

²⁸ Zvino, handirevi kufamba uchienda kuna Kristu ne—nepfungwa chete i—isina chinhu. Handirevi kudaro. Unouya kwaAri uri mupfungwa dzako dzakakwana, uye mupfungwa ye—ye—yekutendeuka, uye mukuzvininipisa. Zvino wobva wati, “Ishe Jesu, ndiri pano. Zvino, zvakanyorwa muno muShoko reNyu, kuti Imi ‘makanga muine zvinhu zvizhinji zvokautaura kuvadzidzi.’ Makati, ‘Vaisakwanisa kuzvigamuchira zvino.’” Uye pamwe ndiyo nyaya yedu nhasi, hatigone kuzvinzwisisa.

²⁹ Mwari vanogona kusimudza chimwe chinhu chidiki chakasiyana, uye tose pamwe chete tochiramba. Panzvimbo pekunzvera Rugwaro kuti tione kuti ndizvo here kana kuti kwete, tinongokasika kuzvirasa, “Hapana zviripo pazviri.” Tinofanira kunzvera zvinhu izvi, toona kuti ndizvo here kana kuti kwete. Uye rangarira, kana zvisizvo, pakupedzisira zvinozofa, nokuti Jesu akati, “Chirimwa chose chisina kusimwa naBaba vaNgu veKudenga chichadzurwa.”

³⁰ Asi ndinofunga kuti aive Gamarieri akataura chirevo chikuru chiya panguva iya, “Kana zviri zvaMwari, hatidi kuwanikwa tichirwa nazvo. Uye—uye kana zvisiri zvaMwari, zvichashaya basa zvisinei.” Saka, zvinzvere uye ufunge nezvazvo.

³¹ Uye zvino, Akati imo muno, “Asi kana Iwo, Mweya Mutsvene, wauya.”

³² Zvino, mumwe munhu akati, yaive imwe nguva yakapfuura, achitaura, akati, “Mweya Mutsvene chaizvoizvo ingori pfungwa yemafungiro ako. Unofunga.” Izvozvo zvaizoisa Mweya Mutsvene kuva pfungwa.

³³ Asi Bhaibheri rakati, “Kana Iye...” Uye “Iye” chisazitasingwi. Maona? Maona? “Kana Iye,” Munhu, Mweya Mutsvene, Mwari, “ayua, Achakuzarurirai zvinhu izvi, zvaNdakakuudzai.”

³⁴ Zvadaro, munoona, hapana imwe nzira yekuziva kuti Chokwadi chii. Kunze bedzi...Haukwani se kuziwana netsika, nezviitiko zvekuseminari. Unoziwana chete neMweya Mutsvene. Ndiye Wacho akatumwa kuzoZvizarura.

Zvino, ipapo, Akati zvakare, “Uye Achakuratidzai zvinhu zvinouya.”

³⁵ Zvino, VaHebheru, chitsauko 1, yakati, "Mwari munguva dzakare nenzira zhinji vakataura kumadzibaba kubudikidza nevaporofita, asi muzuva rino rokupedzisira kubudikidza neMwanakomana waVo, Kristu Jesu." Maona? Mweya Mutsvene uri kutora hutongi, kana kutora Chechi, kushandisa Kristu muChechi. Zvino, unova sezvaAiva. Iye anova sezvawaive, kuti ugokwanisa kuva sezvaAkanga ari. Maona? Akava iwe, kuitira kuti iwe ugova iYe. Izvozvo, zvi—zvinopfuirira kunzwisia. Hapana nzira yekuzvitsanangura, uye usazviedze. Ingozvigamuchira. Akazvitura, zvino zvatoringana. Ingoti ndizvozvo, zvitende.

³⁶ Zvino, semuKristu wechidiki, ndakagara ndichitaura chirevo ichi. Ndakafara kuti Mwari vakanditora chechi isati yaziita. Zvakaoma kutaura zvandaizove. Asi nda—ndakatenda zvikuru nehutungamiri uye nekubata kwakananga uko Mweya Mutsvene wakarunzira hupenyu hwangu nako, ndisati ndatomboupira. Nokuti, semukomana mudiki, ndaiziva kuti paiva neChimwe chinhu. Akanga ataura, uye ndaitaura naYe. Iye akataura achindipindura. Zvino ndakatanga kucherechedza kuti zvinhu zvaAkandiudza, ndiri mukomana mudiki, kuti zvakatanga kuitika chaizvoizvo nenzira yaAkataura kuti ndiyo yazvaizoitika nayo. Saka ndakaziva kuti zvaifanira kuva chokwadi.

³⁷ Zvino, ndava murume mutana zvino. Uye ini—ini handina kana nguva imwe chete... Uye ndinogona kudaizda nyika yose ku—kuti imire, ndovabvunza. "Isa munwe wako pachinhu chimwe chete chaAkambondiudza, mune ZVANZI NAJEHOVHA, muZita raShe, asi kuti chakanga chiri chokwadi chaicho uye nemazvirokwazvo, zvino zvikaitika, kubva muzviuru zvakapetwa zviuru zvezvinhu." Chii chinoita...

³⁸ Ndiri kutaura kudaro nekuda kwei? Munoona, ndaisa isu tose seguruva rematombo akanyungudika. Asi ivimbiso yeShoko raMwari. Naizvozvo, handigoni kuva nechivimbo mandiri pachangu. Haugoni kuva nechivimbo mauri pachako. Asi, pamwe chete, tinogona kuva nechivimbo mune Chakatora chisimba pamusoro pedu. Mweya Mutsvene wakatora chisimba pamusoro pedu. Tinofanira kuva nechivimbo maHuri. Uye patinoisa ruvimbo rwedu maHuri, zvino zviberekro zvinobva zvauya.

³⁹ Zvingava zvisina musoro kuti ndiedze ku—kungomaranzura zvishoma-shoma pamusoro ndichikuudzai zvimwe zvezvinhu zvacho izvo Mweya Mutsvene wakaita muhupenyu hwangu hwakaputsika, mazuva angu. Ndinotaura izvi neBhaibheri raKe rakazaruka, Shoko raKe. Uye ndizvo zvaAri. Ndiye Shoko.

⁴⁰ Maona, Mbeu iyi—iyi pano inopinda mudota rematombo akanyungudika, nenzira yeMunhu wemweya. Mwari vanouya

seMweya uye voshanda nemudota. Saka, haasi munhu. NdiMwari.

⁴¹ Uye kana ndingazogara pasi, ndotora nguva yekunyora zvinhu zvandaka Vaona vachiita, zvaizoita murwi wemabhuku. Uye kufunga nevazvvo, pano, makore makumi mashanu namatatu okuberekwa, uye ndigokwanisa kutaura pamberi paMwari, Chechi yaVo, neBhaibheri, pamberi peboka iri, kuti, “handina kana imwe nguva ipi zvayo yandakamboUona uchikundikana; zviri nemo-nemo chaizvo, nguva dzose.”

⁴² Kunze, kwerimwe zuva pandakauya kumadokero. Makaridza tepi yacho, vazhinji venyu, ndinofungidzira, munonzwisia. Handizivi kuti chii. Ndakamirira. Ndiri pano zvino. Handizivi kuti sei. Ndakangomirira.

⁴³ Inogona kunge iri nguva yangu yekuenda kumusha. Zvinotaridzika chaizvo kuva saizvozvo. Kana zvakadaro, kuchasimuka mumwe munhu shure kwangu, achaendesa Mharidzo mberi. Achange ari munhu asinganzwisisike, asi achasimuka mushure meizvi oenderera mberi neMharidzo. Uye zviteererei. Chero bedzi zviri Gwaro, garai nazvo.

⁴⁴ Kana zvisina kudaro, kuri kuuya chimwe chikamu zvino, nokuti ndinotenda kuti tiri kurarama mumazuva okupedzisira, uye ndinotenda kuti ndararama muzuva rino. Handingatsivanise zuva rino nechero rimwe zuva. Rino ndiro zuva rakabwinyisisa rati rambovapo panyika. Hakuna rimwe zuva rakambopfuura zuva rino.

⁴⁵ Oo, ko aizodii Mosesi, Eria, Pauro, Sairasi, mhare dziye huru dzekutenda, mumazuva akapfuura, vachizogona kumuka uye votora bhuku renhoroondo, zvino votarisa chaizvo zvavakanga vaprofita pamusoro pazvo, zvakaitika, uye voona patiri zvino? Handiti, vaizovaisa mutirongo, mukati meawa imwe chete. Zvirokzwazvo. Vaizoita sevanhu vanopenga, vachikwira nekudzika mumigwagwa, zvakaomarara nekukwanisa kwavangaita, vachiputitsa Evhangeri. “Nguva yave pedyo.” Zvino tinoona, manheru ano, kuti tataadza zvakanyanya kusvika pakubwinya kwaMwari.

⁴⁶ Asi ndinoda kudzokorora pamwewo, kuti ndiite sekuti chechi... .

⁴⁷ Gara zviya, Billy Paul apa here makadhi ekunamatirwa muchechi muno manheru ano? Ndichangobva kuTucson maminitsi mashoma apfuura. [Mumwe munhu anoti, “Hongu.”—Mupepeti] Iye—iye apa makadhi. Zvino, ichava nzira isina kunaka yekuedza kuaunza nayo. Tichazviedza.

⁴⁸ Zvino, handisi kuzotora nguva yakareba, ndichangopa chapupu pamusoro peGwaro iri.

⁴⁹ Kuti, Kristu anochengeta Mashoko aKe ose. Anofanira kudaro. Anofanira kuzviita. Maona? Handifaniri kuzviita; ndiri

munhu anofa, anogona kukanganisa. Iye haafi, haAkundikani. Anofanira kuchengeta Ake. Maona? Asi handisungirwe kuchengeta angu. Hausungirwe kuchengeta ako. Asi Iye anodaro. Oo, hazviisi chimwe chinhu mauri here, kuziva kuti Iye—Iye akanyatsosungirirwa kuShoko iroro?

⁵⁰ Uye, kuti, vhiki rino, mafambire atakaita nemuBhaibheri, nevaporofita nemadzitateguru iwayo, uye nguva imwe neimwe toratidza kuti chechi payakabva pane izvozvo, Mwari vakatumira mumwe munhu zasi chaiko ndokuvazunza achividzosera kuShoko iroro zvakare, achiisa chechi mumutsara. Zvakagara zvakadaro. Ndiwo maitiro waMwari. Vakasarudza varume vekuti vazviite saizvozvo.

⁵¹ Zvino, dai Vakasarudza nyeredzi kuparidza Vhangeri, zvingadai zvakaitwa kare-kare. Dzaisambobuda mukuda kwaVo. Toti dai Vakasarudza zu—zuva kuti ririparidze, kana mhe—mhepo kuti dziriparidze, zvaisazobuda mukuda kwaVo. Maona?

⁵² Asi isu tiri pahwaro hwekuzvisarudzira pachedu. Tinogona kuita nenzira yatinoda. Uye ndicho chikonzero tanga tiri marwadzo emoyo kwaVari. Nguva dzose nenzira *iyi*, uye tichida kupfekera nzira dzedu pachedu, uye tobva panzira dzaVo. Maona?

⁵³ Uye nda—ndakamboti kumashure, munhu anogara achirumbidza Mwari nokuda kwezvaVakaита. Uye anogara achitaura zvaVachaita. Uye zvakare, panguva imwe cheteyo, achifuratira izvo zvaVari kuita. Maona?

⁵⁴ Munhu anoti, “Oo, Mwari vakazarura Gungwa Dzvuku. Hongu. Mwari ngavarumbidzwe! Ndizvozvo.” “Hongu, Jesu ari kuuya zvakare. Hareruya! Ndizvozvo.” Asi, taura nezvaVo nhasi? “Aa, zvaive zverimwe zuva.” Maona? Maona? Nguva dzose zvaVakaita, zvaVachaita, uye vachifuratira zvaVari kuita.

⁵⁵ Ndicho chinhano chimwe chete icho Jesu Kristu akawana paAkaya panyika. Chaizvoizvo. Mwari vakanga vavimbisa zvaVakanga vaita. Uye heVanoi pano, vamire pamberi pavo, uye vakanga vasingaMuzivi. “Akanga ari munyika, uye nyika yakaitwa naYe, zvino nyika haina kuMuziva.” Ndizvozvo.

⁵⁶ “Asi kune avo vose vakaMugamuchira, kwavari akavapa simba rokuti vave vanakomana vaMwari.” Ndicho chikamu chakabwinyiswa.

⁵⁷ Yakanga iri imwe nguva yapfuura, chiratidzo chidiki chandinoda kutaura kwamuri pamusoro pacho. Uye handizivi, ini pamwe handina kumbochitaura asi kumunhu mumwe chete pane imwe nzvimbo. Asi nda—ndakanga ndichangobva kurasisikirwa nomumwe wevanhu vakurusa panyika ino, kwandiri, amai vangu.

⁵⁸ Uye ndi—ndinoda amai vangu. Zvokuti ndaivaona vachibva patafura, patakanga tiri varombo kwazvo, tisina chokudya! Uye ivo...Baba vaiunza chingwa, uko kwavainge vatsvaira chitoro, kana chimwe chinhu, uye—uye vaidira kofi pamusoro pacho, zvino vobva vaisa shuga pamusoro pacho. Zvino amai vaaита sokunge vakanga vasina nzara, kuitira kuti isu vana tigokwanisa kuwana chimwe chinhu chokudya. Oo, ini—ini handimbofi ndakazvikanganwa izvozvo. Maona? Uye nguva zhinji dzavainditakura, uye nezvinhu zvavakandiitira. Asi, munoziva, Mwari va—vakangozara chaizvo netsitsi. Vanonzwisisa zvinhu zvose izvozvo, paVanozofanira kuvatora. Uye ndi—ndinoVada nokuda kwazvo.

⁵⁹ Zvagara zvakadaro, kuti, chero mumwe wevanhu vekwangu asati afa, ndinozviona zvisati zvaitika, muchiratidzo.

⁶⁰ Ndakaona munin'ina wangu, pandaiva nemakore angangoita gumi nemasere, gumi nemapfumbamwe okuberekwa. Ndakamuona asati aenda. Ndakanga ndisitori Mukristu, asi ndakaona chiratidzo chichiuya pamberi pangu, ndikaona munin'ina wangu achienda.

Ndakaona baba vangu pavakaenda.

⁶¹ Howard, vazhinji venyu munorangarira Howard. “Howard,” munondirangarira, makore maviri zvisati zvaitika, ndakati, “Howard, ndaona nzvimbo yako yakatarwa. Ndiwe uri kutevera.” Ndakati, “Gadzirisa, munin’ina, nekuti ndiwe uri kuzotevera pakuenda.” Uye akadaro, chaizvoizvo. Uyezve, pano imwe nguva yapfuura...

⁶² Zvino, ndinovimba kuti izvi hazvinzwiki sekumhura, asi, kungoratidza bedzi ha—hanyn'a yaMwari. Mwari vanogara vachiva nehanyn'a muzvinhu zviduku, zvime chete sezvinhu zvikuru. Ndinoda kutaura izvi kuitira kuti zvibatsire vamwe vevaparidzi vakanaka ava. Vangadaro...Uye ndinozvikanda pachangu imomo.

⁶³ Zvino, tingada, tose, kuva Billy Graham, asi isu... Uye tingada tose kuva Oral Roberts. Asi, isu, hatisi Billy Graham kana Oral Roberts. Tiri muranda waMwari mumunda wekuvhangerwaVakatiisa mauri. Maona? Hazvina mhosva kuti mudiki sei, kana kuti wakakura sei, zvakangofanana mumeso aMwari, nguva dzose zvakafanana, kuita zvakanaka munzvimbo yaunenge uri. Nguva dzose, chinhu chikuru kutevera Ishe.

⁶⁴ Ndingasva ndahwina...kana kuenda kunova nechechi ine vanhu makumi mashanu mairi, ndiri mukuda kwaMwari, pane kuenda kunova nezviuru zvishanu ndiri kunze kwekuda kwaMwari. Chokwadi. Mwari vanogona kuita zvakawanda nemunhu ari mukuda kwaVo, muawa imwe chete, kupfuura zvaVangaite nemunhu ari kunze kwekuda kwaVo, mumakore makumi mashanu. Maona? Ari kugumburwa nekudzedzereka, sokunge kupfura murima. Asi kana munhu ari

zvemazviokwazvo mukuda kwaMwari, uye achiziva kudanwa kwake, anofanira kugara ipapo.

Uye zvino, zviratidzo, kuti Ishe Mwari vanoshanda sei nazvo. Ini . . .

⁶⁵ “Kana Iye, Mweya Mutsvene auya, Achazarura zvinhu izvi zvaNdakataura nezvazvo kwamuri.” Zvino, hapana chikonzero chekuedza kufunganya nezvazvo, nechero nzira. Ndiye Munyori. Zvirokwazvo Anofanira kuziva zvaAkanyora. Maona? Bhaibheri rakati AkaRinyora. “Kunyangе varume vakare, vachisundwa neMweya Mutsvene, vakanyora Shoko.” Zvino kana Mweya Mutsvene ari Munyori weShoko, zvirokwazvo Anoziva madudzirirwo aRo zviri nani kupfuura zvatinoita. Regai Iye wacho aRidudzire. Uye munoziva maitiro acho here, nzira yaAnoRidudzira nayo? Zvino, usapotsa zvinhu izvi kana uri kuuya kushumiro yekunamatirwa kwevanorwara. Tarissa. Usapotsa izvi. AnoRidudzira sei? Sokudai, nokuRisimbisa, munoonaa, achiRiita kuti rive saizvozvo.

⁶⁶ Ndizvo zvakataurwa naJesu. “Nzverai Magwaro. MaAri munofunga kuti mune Hupenu Husingaperi; uye ndiWo Acho anotaura kuti Ndiri Ani. Ndiwo Acho anotaura nezvaNgu. Uye ndiani angaNdipomera mhosva? Ndiani angaNdipomera mhosva yechivi?” *Chivi* ndiko “kusatenda.” “Kana Ndikasaita mabasa akanyorwa pamusoro paNgu, zvadaro musaNditenda. Asi kana Ndikaita mabasa, uye musingakwanise kuNditenda, zvinoka tendai mabasa, nokuti sho—Shoko rakataura pamusoro pavo.” Maona? Ndiyo pfungwa yakajairirwa, yemazuva ese.

Zvino, Mwari, “Zvipo nekudanwa hazzvinei nekutendeuka.” Tinoziva kuti Bhaibheri rinotaura kudaro. Vanozviita.

⁶⁷ Angangove, anenge makore maviri zvino. Ndaive... Mamwe mangwanani ndaifamba ndiri mu—mumba, uye ndakanga ndagara pasi pachigaro. Zvino, izvi zvinoita sezvisinganzwisisike zvikuru, kuti Mwari vaisanganisira imwe mhuka. Seimwe hama yakakosha, pachiratidzo chiya cheKudenga, chekutakurwa kudiki kwandakave nako; Ndinotenda kuti ndakakuudzai nezvacho, kamwe, kana mumwe musangano. Akandinyorera tsamba rimwe zuva, ndokuti... Business Men’s Voice yakazvinyora. Akati, “Zvakanga zviri... chiratidzo chenyu chakanga chakanaka, Hama Branham, kubvutwa kwenyu. Asi, teererai, zvakanga zvakanaka kusvikira mati bhiza renyu, ramaimbotasva, rakauya rikaisa musoro waro papfudzi renyu.” Akati, “Hakuna mabhiza Kudenga, Hama Branham. Denga rakagadzirirwa vanhu, kwete mabhiza.” Saka, ndakafunga...

⁶⁸ Saka, kazhinji, ukaona chero munhu akadaro, unofanirwa kutsanangura zvese, vari kungoedza kunhonga chimwe chinhu. Maona? Haukwanise kutsanangura Mwari, zvisinei. Unofanira kungoVatenda.

⁶⁹ Asi kuti zvingomunyaradza. Ndakati, "Hama, handina kumboti ndaive Kudenga. Muchiratidzo, ndakabvunza Jesu, zvino vakati Achiri mberi kwekuno. Ndakanga ndiri muchimiro chakaita separadhiso. Asi, kuti zvikubatsirei, Bhaibheri rakataura, muBhuku raZvakazarurwa, kuti, 'Jesu akabva kuMatenga ematenga, akatasva bhiza jena. Uye hondo yose yekuMatenga yakanga ichiMutevera, iri pamabhiza machena.' Saka kunofanira kunge kuine mamwe kumusoro ikoko kuMatenga ekudenga."

⁷⁰ Mwari vane hanyn'a nezvinhu zvese. Vane hanyn'a nezvinhu zvidiki zvaunoita, kana zvinhu zvikuru zvaunoita. Vane hanyn'a nemachengetero aunoita boka rako diki, kana iwe mumwe muchinda machengetero aunoita boka rako guru. Vane hanyn'a.

⁷¹ Imwe nguva yapfuura imwe hama yangu ine mukurumbira, yakanaka, takanga tiri zasi ku-ku...tichiraura pane imwe nzvimbo. Ndaive ndauya, ndichibva kumisangano, uye ndakazorora. Takanga tiri kuraura nehozhwa, uye tikabata chitsama chehove chakanaka. Zvino husiku ihwohwo takanga tichiteya tambo dzedu dzinosungirirwa zvirauro zvakawanda, uye takapererwa nendyiro dzokuisa pazvirauro. Zuva rorereka masikati, ndakaenda kunze kunobata tumwe tumabluegill tudiki, tumachinda tudiki-diki utwu. Haukwanise...Huru dzacho unogona kudzidya, asi idzi dzingori hove duku dzekuraurisa. Zvino Ndakakandira chirauro mukati, chirauro, ndaidzibata, ndichidziisa mumugomo.

⁷² Zvino chimwe chinhu chakandibata, ndigere paigwa iri. Mukomana uyu akambenge ari muJehovah Witness, uye mukoma wake akanga achangobva kuponeswa nokuzadzwa neMweya Mutsvene, uye saka vakomana vaviri vaiva nesu. Zvino pandakanga ndichibata hove idzi, isu tose, Pane chimwe chinhu chakandibata. Uye ndikati, "Munoziva, pachava nerumuko rwehumwe hupenyu, sekunge mhuka duku." Zvakanaka, mhuka duku.

⁷³ Zvino, vazhinji venyu munorangarira kufanoenda kweShoko, rakati, "Paizova nemukomana mudiki aizodzoka kubva kuvakafa, akanga arohwa nemotokari." Hama Jack Moore vaneni manheru ano, vainge vari kuFinland pazvakaitika. Maona? Vazhinji venyu pano munorangarira ndichizvitura nepano, munoona, ndikakuudzai kuti muzvinyore mubhuku renyu. Cherechedzai.

⁷⁴ Zvino Hama Wood vakatendeuka, Hama Banks Wood, avo vemwanakomana wavo akapodzwa, aine poriyo. Zvino vakatendeuka vakati kumukoma wavo, "Iwe ingotarisa. Chimwe chinhu chiri kuda kuitika." Ndakaramba ndichibata hove, munoona. Saka takaisa hove dziya pazvirauro zvepatambo dzedu.

Husiku ihwohwo hapana chatakabata.

⁷⁵ Mangwanani acho aitevera ndakati, “Paive nemamwe mabluegill, akati wandei, neche ikoko.”

⁷⁶ Akati, “Nhai, gara zviya, hamuna kutaura kuti kuchava neimwe mhando yerumuko rwehupenyu here?”

Ndikati, “Hongu.”

⁷⁷ Ndinokuudzai, pandakabva kumba, vakanga vari... Kasikana kangu... Isu takaita sekuti... Imi vanhu munogona kuva nadzo kana muchidzida, zvino, munoono, asi ndinotya katsi. Uye saka ini—ini handingofarire manzwiro iwayo ane kakutyisa aunowana kana uri padziri. Saka zvakadaro hatinadzo pamba, uye—uye ndinotenda kuti katsi inogona kucherechedza kuti ndinotya. Saka, baba vangu vaitya katsi. Saka, zvino, vasikana vangu vadiki vaiziva kusadiwa kwekatsi ikoko. Uye mudiki...

⁷⁸ Mwanasikana wangu mudiki achifamba munzira nemumwe musikana mudiki, zvino akadzoka, achitaridzika kusuwa pachiso, ndokuti, “Baba?”

Ndikati, “Unodei, mudiwa?”

Akati, “Chimwe chinhu chakaipa chaitwa.”

Ndikati, “Chii ichocho?”

Akati, “Dai maingoziva chete!”

Ndikati, “Zvakanaka, ndiudze.”

⁷⁹ Akati, “Mumwe munhu akanda katsi yakare inonzwisa urombo kunze, zasi mumugwagwa kuno uku.” Ndokuti, “Chinhu chabe kuda kufa, hachisi kukwanisa kufamba.” Ndokuti, “Baba, mune basa nazvo here kana tikaipa chikafu nekuichengeta?”

⁸⁰ Ndakati, “Kwete zvachose. Kana uchida kuipa chikafu, ingongwarira. Usairega ichikumara.” Ndakati, “Regai ndione katsi yacho.”

⁸¹ Saka pavakaunza katsi, ndakatora bhokisi, uye, chokwadi, mangwanani akatevera takava neboka rose revana vekatsi.

⁸² Uye zvadaro, saka, mukomana wangu muduku—muduku, pandakanga ndava kuenda, Joseph muduku, akanga akadzitarisa. Oo, aifunga kuti dzaive dzakanaka, munoziva, dzichikwira-kwira, munoziva. Uye—uye saka akatora imwe muruoko rwake; ndokuiti dzvanyisei zvishoma, ndokuidonhedzera pakongiri. Kamuchinda kaduku kakatanga kuumburuka, umburuka. Ndakafunga “Oo, ini zvangu!”

⁸³ Uye ndakafunga, “Saka, zvino, inogona kunge iri katsi diki iya, pandinodzokera kumba.” Munorangarira nyaya yeopossum. Ndakafunga, “Saka, inogona kunge iri katsi iya.” Saka zvino takanga takagara muchidziva chepamahombekombe chidiki, tichiredza, uye takanga tichibata mabluegill aya akanyatsoti kurei zvino, tichikandira tudiki tichitudzorera mumvura.

⁸⁴ Hama Lyle, mukoma waHama Banks, vakanga vachiredza nechirauro chemuchina, chirauro chikuru kwazvo, uye nenyongorosi dzakawanda ipapo. Vakarega kabluegill kaya kadiki kekare kachimedza chirauro ichocho kusvika mudumbu mako. Uye pavakakadhonza, vakati, “Zvino, ndinoshuva kuti dai maitarisa *ipapo*,” kakangoreba zvakada *kudai*. Uye vakango...Havana kukwanisa kubuditsa chirauro kunze, ndinofungidzira. Hapana imwe nzira; wotongodimbura tambo yacho. Zvino vaida kuchengetedza chirauro chavo. Saka vakangodhonza dakashwa, dumbu nezvose, kubva makari, saizvozvo, ndokukakandira pamusoro pemvura. Uye iko—iko kakagwinha-gwinha katatu kana kana ndokungorara ipapo. Vakati, “Wapfura mbumburu yako yekupedzisira, muchinda mudiki.”

⁸⁵ Ndakati, “Lyle, painotanga kudyira... Tora chirauro chidiki pane ichocho. Painotanga kudyira, tora chirauro ichi chirere apa, uye painongotanga kudyira, ibate. Waona? Isati yachipinza mukati nekuchimedza, bata mumuromo mayo.” Ndikati, “Ndiwo mutambo wekudzibata.”

⁸⁶ “Aa,” akati, “Ndinozodhonza zvisirizvo,” zvino akangopfuurira mberi. Zvino akaedza kashoma, ndokupotsa dzinenge nhatu kana ina. Zvino akagadzika chinhu pasi, akati, “Ndichangoirega ichichimedza zvakare.”

⁸⁷ Saka hove duku iyi yakayangarara pamusoro pemvura ipapo kwechinguva, oo, ndinofungidzira, maminitsi makumi matatu. Zvino masaisai akatanga kusimuka achipinda.

⁸⁸ Ndikati, “Saka, tichafanira kuchienda nokukurumidza. Tave nemugomo zvino, saka tichafanira kuenda.”

⁸⁹ Zvino ndakasimuka, kuti ndichikande mberi nepamusoro pemashizha ehapa, kuti ndikabvise. Paiva nedzimwe hove dzine dumbu dzvuku ipapo. Saka ndakatanga, kudhonza ndyi—ndyi—ndyiro kubva pashizha, munoziva, ndokukandira pashizha, ndichiibvisa, sekuziva kwamunoita imi machinda nemadzimai nezvekuredza.

⁹⁰ Zvino pandakatanga kuzviita, kamwe-kamwe, Chimwe chinhu chakadzika nemuzvikomo izvozvo, seMhepo iri kuvhuvhuta. Zvino Chakaenda pamusoro pangu. Ndakadonhedza mutanda, ndokusimuka muigwa. Uye ndakatarisa-tarisa. Ndakanzwa Inzwi richiti, “Uri kuona here hove diki iyo?” Uye hapo payaiva, yakarara ipapo.

⁹¹ Ndakati, “Muri kuona here hove duku?” sekungozvitaura kwaAive aita. Ipapo zvimbizvayo zvanga zvaomarara, uye yanga, iri pamusoro pemvura kwehafu yeawa. Uye Bhaibheri iri rakazaruka zvino. Maona?

Zvino Akati, “Taura kwairi, uidzosere hupenuy hwayo.”

⁹² Zvino ndakati, “Hove diki, nemuZita raIshe Jesu, ndinokudzorera hupenyu hwako.”

⁹³ Zvino varume vaya vakamira, vakatarisa. Hove diki iyoyo yakapinduka nemusana wayo, ndokudzika ichienda nemumvura. Vakada kuita sevachafenda. Lyle akageza kumeso kwake mumvura. Akati, “Ndichamuka mushure mechinguva.” Akati, “Ndi—ndinoziva kuti ndiri kurota.”

Ndakati, “Hausi kurota.”

⁹⁴ Uye panguva imwe cheteyo, ndinofungidzira ndaiva, pamutsara wemazita evanoda kunamatirwa, vana makumi matatu kana makumi mana vakaremara. Uye kuti Mwari vainyenyeredza sei, kubva kuvana vakaremara ivavo, vomutsa hove duku iyoyo, zvinongoratidza kuti Vane hanyn'a nezvinhu zvose.

⁹⁵ Ko Vaizoshandisa simba raVo sei kutuka muti wemuonde, ipo paiva nezviuru zvevanhu vane maperembudzi munyika? Uye Vakanyenyeredza vaya vaiva namaperembudzi vakaenda vakanoisa chituko pamuti wemuonde, ndokuti, “Hapana munhu achadya pauri,” zvino muti wemuonde ukasvava. Vakashandisa simba raVo, vachiratidza kuti Vane hanyn'a nemiti. Vane hanyn'a nehove.

⁹⁶ Vane hanyn'a newe. Vane hanyn'a nen. Uye Vanofarira kuona Shoko raVo richiratidzwa, uye Vari kuvimba nesu kuti tizviite, nokuti tiri vamiririri vaVo. Hapana chiri matiri. NdiVo; tichizvipira uye tichifamba naVo.

⁹⁷ Ndakaona chiratidzo mangwanani iwayo. Ndakaona mhuka huru yakarara padivi pechikomo. Oo, yakanga ine nyanga huru. Ndaive parwendo rwokuvhima muchiratidzo ichi, nguva dzinggaita ten kana eleven o'clock masikati. Zvino ndakaverevedza ndokupfura mhuka iya.

⁹⁸ Uye zvakare ndave munzira kudzokera, chitsere chipfumbu chikuru, kwazvo chakasimuka kuti chindirwise, zvino ndakachipfura.

⁹⁹ Uye zvakare ndakavaona vachitora nyanga, zvino ruoko rwudiki rwakatambanuka ndokutora nyanga dzacho, ndokuisa tepi padziri. Dzakareba mainji makumi mana namaviri, kubva pamusoro pedehenya kusvikira pamusoro penyanga, mainji makumi mana namaviri kureba mudenga. Handisati ndamboona mhuka yakaita seiyoyo, mapazi makuru akapinza panyanga dzayo. Uye, zvakadaro, yaiita senondo, asi iri, oo, ini zvangu, yaiita nondo mbiri kana nhatu. Handina kumboona chero chinhu chakadaro.

¹⁰⁰ “Saka,” ndakati, “pamwe zvichaitika nerimwe zuva. Ndichangozvinyora pasi.”

¹⁰¹ Ndakaenda zasi kuKentucky neshamwari yangu, uye Hama Miner Arganbright vakandiridzira runhare, vakati, "Hama Branham, makabatikana here?"

¹⁰² Ndikati, "Kwete zvakanyanya." Ndakati, "ndaiive pane rangu... Ndine mavhiki maviri zvino. Ndiri pazororo diki."

¹⁰³ Vakati, "Mhanyirai kumusoro kuCanada, kuAlaska, nenii. Tinoda kuronga Business Men's chapter kuAnchorage uye zvakarewo nekuFairbanks."

Ndakati, "Zvinonzwika sezvakanaka, kana ndikakwanisa kuwana nguva yekuzviita."

¹⁰⁴ Vakati, "Zvakanaka, Hama Branham, kana mukazviita, ndinokuudzai kuti chii, tichakupai kuti munova nokuvhima kwakanaka chitsere chipfumbu."

¹⁰⁵ Ndakafunga, "Oo, zvinonzwika sezvakanaka." Ndakafunga, "Oo, oo, hecho chiratidzo chiya. Munona, ndizvozvo."

¹⁰⁶ "Kuvhima kwakanaka kwechitsere chipfumbu," ndakati, "zvinonzwika sezvakanaka. Handiende nokuda kwaizvozvo. Asi, tiri kumusoro ikoko, uye vamwe vevatungamiri kana vachida kundiendesa kunze, mahara, ndichafara kuenda."

Saka, vakati, "Saka, ivo—ivo vachazviita. Takaita kuti zvigadziriswe."

Ndakati, "Saka, zvino mirai. Regai ndinamate pamusoro pazvo."

¹⁰⁷ Zvino ndakaenda kumusoro musango zuva iroro, zvino nguva dzose pandainamata, ndaitoenda kure, nguva dzose, ndichitobva pazviri zvachose. Ndakafunga, "Zvinoshamisa." Zvino mazuva maviri mushure maizvozvo, ndakafonera Hama Arganbright. Ndakati, "Kwete."

¹⁰⁸ Vakati, "Hama Branham, tiri kungoita kuti zvinhu zviiswe muhurongwa."

¹⁰⁹ Ndakati, "Musazviita. Mweya Mutsvene wazviramba." Uye ndakavaudza chiratidzo. Ndakati, "Ini—ini handizive, Hama Arganbright, asi zvinoshamisa. Asi haVandibvumire kuenda kumusoro ikoko, uye, zvakadaro, zvinoita sekunge ndiyo—ndiyo yaizova nzvimbo yacho."

Uye vakati, "Saka, zvino, tese tagadzirira kuenda." Zvino ndakati...

¹¹⁰ Zvino, vazhinji venyu muchaona Hama Arganbright. Vari kuuya pano zvino, kuzogadzirira pamwe nenii, kuenda mhiri kwemakungwa mushure memusangano uno. Uye saka munogona kuvabvunza nyaya yacho. Saka takati...

Ndakati, "Kwete. Handisi kungokwanisa kuzviita. Mweya Mutsvene unondiudza kuti ndisazviita."

¹¹¹ Zvakanakisisa kuteerera, zvisinei nekuti zvakadii, zvinoratidzika zvakanaka sei. Ndichaparidza pamusoro

pechimwe chinhu chakadaro mangwana manheru, Ishe vachitendera. Saka zvino, rangarirai, zvisinei nokuti zvinotaridzika zvakanaka sei, kana Mwari vasiri mazviri, garira kure nazvo. Hazvina basa kuti zvinotaridzika kuva zvichiyedza sei, garira kure nazvo. Zvakabudirira sei, garira kure nazvo kana Mwari vasiri mazviri. Garira kure nazvo. Zvino tichataura pamusoro pazvo mangwana manheru, Ishe vachitendera.

¹¹² Zvino, ipapo pandakaenda kumba, Billy akati kwandiri, mwanakomana wangu, akati, “Baba, munomuziva here muvhimi uya wamakaenda kunovhima naye mupfumvudza yapfuura kumusoro uko, ane zita rekuti Southwick?”

¹¹³ “Oo,” ndikati, “kumusoro ku...mune...zasi kweYukon uko?”

Akati, “Hongu.”

Akati, “Ane tsamba pano ye—yenu.”

¹¹⁴ Ndi Hama Eddie Byskal, vanova mukuru wemu—mubatanidzwa wevashumiri venyika iyoyo yekuchamhembe kwakadziva kumadokero kumusoro ikoko, mukomana akanaka kwazvo, anogona kunge ari muno mumusangano uno. Ari kuronga kuuya nekuno nguva ino. Mukomana mudiki akanaka, uye ane mhuri yakanaka. Iye—iye mumishinari kumusoro uko zvino kuCrees, maIndia ekuCrees. Uye ndaiva naye zvino uno muchirimo chapfuura. Uye zvakare...Kana kuti, zhizha rapfuura, waro.

¹¹⁵ Zvino iye, Eddie, aida kundiendesa kwaBud, uyo akanga ari mumwe wevaakatendeutsira kuna Kristu. Mudzimai wake aive muPentekosti akasimba. Bud aive muzvinapurazi remombe, uye aiva achangopinda. Asi aive akagoverwa, uko kwavakadzinga maIndia ndokuvaisa kumaruzevha, nzvimbo huru yokuvhima. Anenge matanhatu...Oo, ndinofunga ane mamaira akapetwa mazana matatu, kana kudarika, kwakapoteredza imomo, iri nzvimbo yaakagoverwa nehurstumende yeCanada.

¹¹⁶ Saka, mupfumvudza iyoyo, pandakanga ndiri kumusoro ikoko, takaenda kunovhima zvitsere musangano wapera, asi pataka...muna Chivabvu, dutu rakauya rikativharira. Taive tine angaita...Akanga asati ambonzwa chero chinhu nezve misangano, zvino Eddie akaramba achimuudza nezve misangano.

¹¹⁷ Iye ndokuti, “Hamurevi kundiudza kuti, nhasi, kuti Mwari vari kuZviratidza, uye nokuratidza zvinhu zviri kuuya zvisati zvaitika?”

Eddie akati, “Ndizvozvo chaizvo.”

¹¹⁸ Saka akaramba achitaura neni. Akati, “Munoziva, ndine munin’ina ane pfari.” Akati, “Dai maingosvika chete kuhamu iyoyo!” Akati, “Ndinotenda, kana ndaizokwanisa kumuunza

kune mumwe wemisangano yenu, ndinotenda kuti aipodzwa.” Ndakati . . . Akati, “Akave nadzo kwehupenyu hwake hwese.”

Ndikati, “Pamwe kudaro.”

¹¹⁹ Saka, hakusvibe kumusoro ikoko panguva iyoyo yegore, munoziva. Zuva rinongovira, uye rinongo . . . Oo, unogona, chero nguva, pakati pehusiku, one o’clock, unogona kungomira, woverenga bepanhau, chero chinhu, munoonaa. Uye chinenge—chinenge chikamu chokupedzisira chaChivabvu zuva harimboviru. Rinongonyura zvishomanani, rinoita seraenda, angangoita maminitsi gumi, rodzoka. Saka tinozongorara pasi pacho patinenge taneta.

¹²⁰ Uyezve munzira tichibuda, takasangana neboka remaIndia. Uye, oo, ndakawana mambo mutana kumashure ikoko. Vakamurega achigarapo nekuti aive nevana vaviri. Vanoviga vana vavo mudanda, vadikanwi vavo. Imwe mhando yechinamoto. Zvino vakavaturika mumuti, saka vakangosiya mhuri iyi ichigarapo. Muchinda mutana akanaka, akapfuura makore makumi mapfumbamwe okuberekwa, akagara pachigaro chake chebhiza zvakangonaka semumwe wevakomana vase.

¹²¹ Uye saka takabva tichienda zuva rakatevera. Akati, “Hakuna nzira yekupfuura zvino. Kwirai nepamusoro pemakomo nenzira *iyi*.” Oo, aive mamwe mamaira zana, kugadzira kanzira ketsoka. Saka, hatina kukwanisa kuita izvozvo. Nguva yakanga yapera zvakanyanyisa. Takatanga kudzoka.

¹²² Zvino tiri munzira yekudzoka, Bud ane mudungwe wemabhiza madiki, zvino mamwe acho akapinda zasi mumachakwi nezvimwe. Uye ndaiendawo ikoko, ndichitaura, uye, Eddie nenii. Zvino Bud aiva pabhiza raitungamirira, achiedza kubuda. Taive neboka rine makumi maviri nerimwe. Zvino ndakanga ndakaisa tambo pane rimwe, ndikaribuditsa. Zvino parakangobuda, ipapo bhiza rangu randaive ndakatasva rakabva rapinda. Zvino hepanoi pandaive, ndichibuda ikoko. Zvino ndakanga ndazara madhaka nezvose . . . Mumaminitsi mashoma, ndakakwira pabhiza rangu, ndokupukuta madhaka kubva pahembe dzangu, saizvozvo, ndokutanga kuenda.

¹²³ Zvino pamberi pangu chaipo, mhire kwechikomo ichocho ipapo, kwakaya mumwe murume wechidiki. Ndakamarisa. Ndakaswedera kumashure muchigaro ndokumisa bhiza rangu. Zvino ndakamuona achiwira pasi nepfari, achiumburuka-umburuka, nekubuditsa furo, akatanga kuzvitutumadza chaizvo, uye achingoparadza zvinhu zvose. Ndokubva adzikama. Ndakaona chitofu chehuni chakare. Ndikaona shati yake ichitsva.

¹²⁴ Eddie akanga ari pamberi pangu inenge hafu yebhuroko reguta, achiedza kutora rimwe bhiza. Bhiza rechidiki

rakamhanya richibva munzira, richipinda imomo, richibvisa zvinhu zvaraive rakatakura kubva pariri, richikandira pasi. Saka ndakabva ndamhanyira kumusoro ikoko kuna Eddie. Tikadzikamisa bhiza. Ndakati, “Eddie, ndine ZVANZI NAJEHOVHA yaBud.”

Akati, “Hama Branham, chii chaitika?”

Ndikati, “Chiratidzo. Ndaona munin’ina wake.”

Akati, “Oo, mutorei.”

¹²⁵ Ndikati, “Ramba wakamisa mabhiza. Ndichafambisa rangundoenda mberi, ndokutenderera pane mabhiza aya, kuona kana ndingakwanisa kuatora uye ndigoamisa padivi pechikomo.”

¹²⁶ Ndakamhanya ndichipoterera pamawere, *seizvi*, nerangu bhi... pabhiza rangu. Ndakarisundidzira kumusoro, ndokukwidza kumusoro ikoko. Zvino ndakaisa ruoko rwangu pamusoro pechigaro. Ndikati, “Bud?”

Akati, “Hongu, Hama Branham.”

¹²⁷ Ndikati, “Ndinoda kukutaurira chimwe chinhu. Munin’ina wako...” ndokumurondedzera zvaari.

Akati, “Hongu. Ndianiakuudzai?”

Ndikati, “Hapana. Ishe vangomuratidza kwandiri.”

Ndakati, “Uchanditenda here semuranda waVo?”

Akati, “Zvirokwazvo, Hama Branham.”

¹²⁸ Ndakati, “Tumira zasi,” anenge—anenge mamaira mazana masere kudzokera kunogara vanhu, “ita kuti munin’ina wako auye kumusoro kuno. Uye kekutanga kaanobatwa nepfari idzodzo...” Ndakati, “Akave nadzo kubvira ave nemakore angaita maviri okuberekwa. Unogona kusazvitenda, asi dzinotambidzanwa mumhuri. Sekuru vako vaive nadzo.”

Akati, “Zvino, ndicho chokwadi. Ndizvozvo chaizvo.”

¹²⁹ Ndakati, “Zvino, kana mukomana uyu atanga kubatwa nepfari idzi, iwe bvisa shati nekumusana kwake woikandira mumoto, zvino woti, ‘Izvi ndinozviita nemuZita rajesu Kristu, maererano neShoko raKe.’ Haazombofi akava neimwe, chero bedzi achingozienda.”

¹³⁰ Akangosimudza maoko ake, ndokutanga kudanidzira. Akati, “Handisati ndambozviona zvichiitwa, asi chokwadika mandiudza zvakangoita munin’ina wangu, uye mukandiudza chokwadi pamusoro pasekuru vangu.”

Ndikati, “Ndizvozvo chaizvo.”

¹³¹ Mushure mekunge taenda, akatumira munhu kundotora munin’ina wake. Zvino akanga achienda kunze kunokura nzira mangwanani iwayo, paakakwira bhazi achiuya (raiuya kumusoro, rinopfuura kaviri kana katatu pavhiki, richikwira

nokudzika nomugwagwa mukuru wekuAlaska), akauyako kune...

¹³² Zvino mudzimai waBud, Lila, angori chinhu chidiki, mudzimai mudiki, akada kukura sezvakaita chigodo chesipo mushure mekunge nhumbi dzemhuri dzawachwa kubva pairi. Angori mudiki...Ane vana vashanu, uye mudzimai mudiki anotapira.

¹³³ Uye saka Bud akabuda kunze kunogadzirisa mabhiza ake, nekuti ainge achakura nzira, kuti tidzoke mune iyoyo nevavhimi vake.

¹³⁴ Zvino achingobva kuenda, zvino, munin'ina wake ari imomo, asina kumbobvisa nhumbi dzake dzakanaka nazvino, akabatwa nepfari. Zvino vakanga vakadzika musasa mukamba yekare yemasoja, umo vemuAmerica, pavakanga vachivaka mugwagwa mukuru, vaiva nayo imomo. Uye apo... Vaive nechitofu chehuni chikuru chekare sechitofu. Zvino Lila mudiki... Aiiita—aiita hasha dzakanyanyisa kana achinge abatwa nepfari idzi. Zvino mudzimai akavhundutswa zvikuru naye, zvino aizotiza nepahwindo, *chimwewo chakadaro*, kuti abve munzira. Asi akatanga kusvetukira kunze, zvino ndokufunga zvakange zvataurwa. Akanga ari mune mumwe wemisangano, zasi kuDawson Creek.

¹³⁵ Akamhanyira ikoko ndokutanangira muchinda mukuru uyu, ndokubvisa shati iyoyo kumusana wake, achichema, mabhatani nezvese, shati yake chena, akafamba achienda kuchitofu, ndokuti, "Izvi ndinozviita nemuZita raIshe Jesu, maererano neShoko raShe ratakaudzwa." Zvino haana kuzombova nekumwe kubatwa kubva ipapo. Zvakabva zvatoringana.

¹³⁶ Akanga atumira kuti ndiuye, kuzovhima mahara. Uye ndinogara ndichitsvaga zvinhu izvozvo zvemahara, munoziva. Saka ndakafunga, "Zvakanaka..." Ndakati, "Ndichaenda. Ndichaona kana Ishe vakanditendera kuenda." Ndakanamata. Uye ndisati ndatombopedza kunamata, zvinhu zvose zvakafamba negwara iroro.

¹³⁷ Ndakatora Hama Fred Sothmann. Vari pano pane imwe nzvimbo mumusangano. Uripi, Fred? Hoyo uyo. Hongu. Ndivo mumwe wematiarastii emucheji medu. Hama Fred vanoziva kuti izvi zvakataurwa mwedzi mitatu zvisati zvaitika. Ndizvo here, Hama Fred? Uye, ndinofungidzira, Hama Simpson. Vangani vari muchivakwa manheru ano vanoziva izvozvo zvisati zvaitika, zvakataurwa? Simudzai maoko enyu. Hezvoka izvo. Uye zvakataurwa pamberi pechechi, chaizvoizvo zvaizoitika. Saka, handina kuziva kuti ndiyo yaive nguva yacho.

¹³⁸ Saka ndakakwidza nomu—mugwagwa mukuru weAlaska, zvino Hama Fred vakamira peimwe shamwari yavo, vachienda kunovhima moose. Kwakanyanyisa kuita kure-kure kuwana moose. Saka tiri kumusoro munyika yemakwai, uko kwataienda.

Uye saka isu...Ndakatora chi—chidimbu che—chechoko kana dhaka, ndokudhirowa pahwindo rekumberi remota. Ndikati, “Zvino, Hama Fred, saka kana ino iri nguva yacho, mucharanganira chaizvo zvazvichave.” Uye vanozvirangarira.

¹³⁹ Ndakapfuirira mberi kukwidza kumusoro. Husiku ihwohwo patakasvika mumusasa, Bud akati, “Hama Branham!” Akandimbundira ndokusvetuka-svetuka, achitaura nendimi uye achidanidzira, munoziva. Akati...Ari uya, murindi wemombe wekare akakwasharara, zvakare. Uye iye—iye achingorumbidza Mwari. Akati, “Munoziva chii, Hama Branham? Munin’ina wangu haana kuzombobatwa nepfari kubva panguva iyoyo. Iye akanaya zvizere uye akagwinya, gore rapfuura.”

¹⁴⁰ Ndakati, “Chero bedzi achizvitenda, zvinoramba zvakadaro.” Uye ndikati, “Zvino muudze kuti apire hupenyu hwake kuna Kristu, uye aMushumire mazuva ake ose. ‘Enda uye usazotadzazve, kana kuti chimwe chinhu chakanyanya kuipa chingauya paari.’ Maona?” Ndakati, “Muudze kuti aite izvozvo zvino.”

¹⁴¹ Saka ndakati, “Ndine chimwe chiratidzo,” zvino ndakamuudza pamusoro pechiratidzo. Ndakati, “Zvino, paiva nemamwe machinda madiki andaiva nawo. Taive parwendo rwekuvhima. Vaive varume vadiki. Zvino mumwe wavo akanga akapfeka shati yegirinhi, ine mitsara-mitsara.”

¹⁴² Uye akati, “Saka,” akati, “Hama Branham,” akati, “Handina shati yegirinhi, ine mitsara-mitsara.” Mwanakomana wake, Blaine, gumi nemasere, akati haana shati yegirinhi ine mitsara-mitsara.

¹⁴³ Eddie Byskal, mumwewo muchinda mudiki-diki, anorema anenge mapaundi zana negumi, akati, “Ini handinawo iyoyo, Hama Branham.”

Ndakati, “Saka,” ndakati, “zvino, mhuka...”

Akati, “Yaiva mhando yemhuka yakaita sei?”

Ndakati, “Yaiita senondo.”

¹⁴⁴ Akati, “Hakuna nondo kumusoro kuno. Kwakanyanyisa kukwirira.” Akati, “Pamwe yaive caribou.”

Ndikati, “Caribou ine nyanga dzakati pwasharara.”

Akati, “Ndizvozvo chaizvo.”

Ndikati, “Iyi yaive nemapazi akapinza.”

¹⁴⁵ Akati, “Saka, Hama Branham,” akati, “tiri kuenda kunyika yemakwai, kwete nyika yenondo kana chimwe chinhu chakadaro.”

¹⁴⁶ Ndikati, “Saka, pamwe nderwumwe rwendo. Hama Arganbright...Kunogona kunge kuri Alaska kune imwe nzvimbo,” ndakadaro, “nekuti chaive chiri chipfumbu chihombe, chakakura.”

Akati, “Chaiva chitsere cherudzii?”

Ndikati, “Chemvere dziri sirivheri kumucheto.” Ndicho chine mukurumbira pane zvese.

¹⁴⁷ Akati, “Ndiri mutungamiriri. Ndagara mumasango ano hupenyu hwangu hwese. Handisati ndamboona chine mvere dziri sirivheri kumucheto.” Akati, “Ndakaona chitsere chakare chamazuva ese. Asi,” akati, “handisati ndamboona chine mvere dziri sirivheri kumucheto, handina kumboona chimwe muhupenyu hwangu.”

¹⁴⁸ Ndakati, “Saka, pane zvime, chimwe pane imwe nzvimbo, uye ndichachiwana.”

Akati, “Ndichataura kuti ndicho chokwadi.” Akati, “Ndichataura kudaro.”

¹⁴⁹ Takaenda, mazuva matatu akatevera. Takagadzira musasa mberi-mberi, kumusoro kunogumira sango remiti.

¹⁵⁰ Uye Mwari vandibatsire, dai kukaramba kwakadaro kusvika muMireniyamu, regai ndigareko muMireniyamu. Ndinongofarira kudekara mune zvisikwa ikoko. Oo! Chero ani zvake aisakwanisa kuona Mwari ikoko, i—ibofu, matsu, nembeveve. KungoVaona vachiZviratidza mumakomo makuru, mahombe iwayo! Oo, ini zvangu! Pakadzika panodana pakadzika, zvino, uye kumusoro ikoko tichingova nenguva yakabwinyiswa.

¹⁵¹ Saka takakwira pagomo rimwe chete. Unotongofanira kufamba zvakatwasuka, saizvozvo, kuti ungorikwira. Oo, kusina miti, kunongova nechikwindi ndicho choga chaunoona. Takaona danga ringaita makumi matatu kana makumi mana rehwai. Pakanga pasina yakanyatsokura yekutora. Dzaingove dzakakura zvepati napakati, uye nedzinenge dzoda kusvika. Nda—ndaida imwe yakanyatsokura yekubuda nayo imomo, ndosaka ndakaenda kure-kure kwakadaro. Saka isu... Ndakadzokera zasi.

¹⁵² Zvino zuva rakatevera takatanga kuyambuka, zvino Eddie ndokuwira mumvura paakatanga kusvetuka achiyambuka, akapfeka shangu huru.

¹⁵³ Tichikwira nemujinga megomo, Bud akamira ndokuti, “Ndipewo magirazi ako, Billy.” Ndakamupa magirazi.

¹⁵⁴ Taifamba kachinhambwe, totaura nezvaIshe, todanidzira, nokumhanya tichikwira nokudzika mujinga mechikomo, tichingova nenguva inoshamisa. Zvakanaka kuenda, kurwendo rwekuvhima, kana ukaenda nehama.

¹⁵⁵ Uye saka akatora magirazi angu. Akati, “Hama Branham, hero gondohwe renyu. Pane anenge masere awo akarara angaita mamaira matanhatu, ipapo chaipo pamusoro peimwe nhongonya yacho. Atarisei. Maaona here ari pamwe chete?”

Ndakasimudza. Ndikati, "Ndinoti, hapo paari, chaizvoizvo."

¹⁵⁶ Akati, "Zvakanaka, ngatichitongodzokerei zasi, totanga mangwanani nguva dzingangoita three o'clock." Akati, "Tinofanira kunge tave kumusoro uko nanine, kana kubva naten. Makondohwe ekare achave akarara pasi. Ndiyo ichave chaiyo nguva yacho."

Ndakati, "Ndezvipi zvime zvinhu zviri kufamba ipapo?"

¹⁵⁷ Akati, "Icaribou." Ndakati... Saka, kure mamaira matanhata, munoziva, zvakaoma kutaura kuti dzinotaridzika sei.

¹⁵⁸ Uyezve, kubva ipapo zvichienda mberi, mazana matanhata emamaira, uchienda zvakatwasuka, hapatorina kana nzira yetsoka kana muhwezvwa. Uye paunovika kuMahombekombe eKumadokero, unoenda angaita mamaira mazana masere kuVancouver, hakuna kana panogara vanhu. Uye kunowanikwa vanhu kunotevera, uchienda nenzira *iyi*, iAnchorage, angangoita mamaira mazana manomwe kana masere. Ukadzokera nenzira *iyi*, unopinda nemuguta duku, Yellowknife, kwaunowana chikepe imomo kamwe chete pagore chekuitira maEskimo. Uye, inotevera, unobata Russia. Saka, unenge uri wega pachako. Ndiko uko Mwari vanogona kutora zororo raVo, kumusoro ikoko, kubva kumatambudziko edu ose nemiedzo zvatinoVaisa mazviri. Saka ndinofarira kuenda kumusoro ikoko ndonotaura naVo paVanenge vakazorora, munoono, saka zvino sezvazvaive nezuro manheru mu—muchikepe.

¹⁵⁹ Saka patakazodzokera zasi, zvino mangwanani aitevera takatanga mangwanani-ngwanani. Dzingaita nguva dza eight o'clock, takanga tachekerera nemuzvimakwenzi nezvose, kusvikira tasvika pamusoro pechikomo chacho. Zvino munzira tichikwidza, hepano ndokupfuura mhous yecaribou yakare, uye nebhuru rakakura zvakanaka. Rakaenda, ndokutanga kukwira chikomo, uye nyanga huru dzakapwasharara pariri. Ini ndikati, "Zvakanaka, uye saka heyo caribou yekutanga yandati ndamboona musango, iri yemusango. Handisati ndakambokwira kumusoro kwakadai."

Akati, "Hongu. Icaribou."

¹⁶⁰ Saka takakwira chikomo tikatarisa. Hwai dzakanga dzisipo. Saka ini naBud takafamba tichingopoterera. Zvino Eddie akatanga kuverevedza ipapo, naBlaine, mwanakomana wake, vachitarisa-tarisa vachitsvaga mhuka.

¹⁶¹ Zvino takafamba neche kuno, uye, oo, ini zvangu, ndakangodanidzira, "Kubwinya kuna Mwari!" Ndakatarisa zasi uko, zvino hapo paiva nemakomo makuru ane chando panhongonya, chikwindi cheyero zasi kwechando. Uye muzasi macho meizvozvo panouya zvikwenzi zvinogara zvakasvibira, zvaive zvimiti zvipfupi. Zvino ukati fambei zasi zvishoma, pakanga paine buck brush, dzvuku. Kumberi zvishoma kwacho,

kwaive nequaking aspen, yeyero. Zvese zvichiisa chadzera mudziva zasi pasi paro. Oo, ini zvangu!

¹⁶² Ini naBud takangombundirana, ndokutamba tichisvetuka zvishoma ipapo, tichingozhambatata nekudanidzira, nekurumbidza Mwari. Zvino takagara pasi nemaoko edu akambundira mumwe nemunwe, uye tichingorumbidza Mwari. Uye tikava nenguva yakanaka, ndinofungidzira, angangoita maawa maviri.

¹⁶³ Uye ndikati, “Nhai, handizivi kuti chii chaitika kuna Eddie?” Taimudaidza kuti “Muchinda.” Saka, takadzokera. Takatanga kuyambuka chikomo. Ndakati, “Haraigona kurasika kumusoro kuno.”

¹⁶⁴ Ndokuti, “Kwete. Blaine ari seri neche uko kune imwe nzvimbo, uye muIndia.”

¹⁶⁵ Saka takatarisa-tarisa, ndikaona kamera yemabhaisikopo yakarara ipapo. Ndikati, “Yaive yaEddie.” Ndakatarisa seri zasi kwechikomo. Zvino ndakaenda mhiri neuku, uye iye akaenda neimwe nzira.

¹⁶⁶ Zvino Eddie aiti, “Sh-sh-sh-sh.” Akanga achinyangira bhuru diki riya, recaribou. Zvino akanga achizoriendesa zasi, oripa kushamwari dzechiIndia dzaakanga achishumira kwadziri kuti dzigoridya. Saka, akapfura caribou. Takadzika ndokurigadzirisa.

¹⁶⁷ Takadzoka, dzava kuma one o’clock. Takawana mabhiza edu atinotasva zvakare, ingaita hafu yemaira, paakanga akamira. Uye takanga takamira ipapo. Akati, “Hama Branham, munofarira kufamba here?”

Ndikati, “Ndinoda chaizvo.”

¹⁶⁸ Akati, “Kana tikakwidza gomo iri... Makondohwe aye akaenda nenzira *iyi*, uye akadzika mune rimwe gomba iro, pamwe. Kana asina, akadzokera neimwe nzira *iyi*.” Akati, “Ngatiitei kuti Eddie nevamwe vadzokere, uye vapfuure nemumukaha uhwu zasi *apa*, uye vatore bhiza rangu nebhiza renyu, vatakure caribou kumusasa. Zvino tichangokwidza kumusoro neapa tobva tasvika panzvimbo iyoyo. Uye tinofanira kupinda nguva dzinggaite ten kana eleven o’clock manheru.”

Ndikati, “Zvakanaka. Tichazviita.”

¹⁶⁹ Saka, takanga takamira ipapo. Takangodya gaba rehove, rake-rake, mumwe nemumwe wedu. Zvino takafushira pasi pechikwindi, magaba ehove aya. Uye chingwa chedu, chataiva nacho mumashati edu, uye takadikitira kusvika chose chava chisadza chikuru chimwe. Asi chaive chakanaka, kana uine nzara. Uye zvakanaka. Saka, takamira ipapo.

¹⁷⁰ Zvino ndaingotarisa kwese-kwese. Zvino ndakatarisa nemumagirazi. Ndikati, “Bud, tarisa pano. Chii icho chiri uko?”

¹⁷¹ Anenge mamaira matatu kubva ipapo, hapo paiva parere caribou iya. Uye yakanga isiri yemazuva ese. Yakanga isiri yenyanga dzakapwasharara; aive mapazi akapinza. Ndakati, “Unorangarira here? Tarisa apa. Heyo nzvimbo iya, chaizvo zvime chetezvo. Uye hapo pakarara mhuka iya, nenzira imwe cheteyo.” Ndikati, “Pane chinhu chimwe chete chinodzivisa chiratidzo, mumwe munhu ane shati yegirinhi, ine mitsaramitsara.” Zvino hapo paive pamire Eddie akapfeka shati yegirinhi, yemistara-mitsara. Ndikati, “Ndaifunga kuti hauna.”

¹⁷² Akati, “Mudzimai wangu anofanira kunge akaiisa iyoyo mune dzimwe. Pandakawira mumvura, nezuro, ndakatozochinja, mashati.” Akati, “Handina kuziva kuti aive aiisa imomo, Hama Branham. Ndine urombo kuti ndakakuudzai zvisizvo.”

Ndikati, “Waitongofanira kudaro, mwanakomana.”

¹⁷³ Oo, Bud akatanga kudanidzira. Akati, “Munogona kumira pano chaipo moipfura, iri kure mamaira matatu. Hamukwanise here, Hama Branham?”

Ndikati, “Maererano nechiratidzo, ndakanga ndiri pairi chaipo.”

¹⁷⁴ Akati, “Hama Branham, ndinokuudzai, muchasvika sei ikoko?”

Ndikati, “Handizivi, asi ndiri kuenda ikoko.”

Saka akati, “Muri kuenda sei?”

Ndakati, “Ndiri kuenda ndichipoterera nzvimbo iyi.”

¹⁷⁵ Akati, “Idombo rinokwatanuka.” Uye ini . . . Akati, “Kana mukatsvedza, munenge muine zviuru zvematani echando pamuri, mune rinenge sekondi.”

¹⁷⁶ Uye ndikati, “Ishe vachaona nezvazvo. Ndiwo maendero andakaita, muchiratidzo, kuenda ndichipoterera.”

Akati, “Saka, ndichakuteverai.” Hoyo ndokuuya.

¹⁷⁷ Zvino vakomana ava vakati, “Tichagara pano zvino kusvika takuonai mawana caribou yacho,” zvino vakati, “zvadaro ticha—tichabva tazodzika zasi, tonotora mabhiza tigopinda mukati. Tichasangana nemi zasi panoperera goronga, anenge, oo, mamaira mana kana mashanu kudzika zasi.”

Akati, “Zvakakanaka.”

¹⁷⁸ Saka takatanga kupoterera, Bud nen. Inenge hafu yeawa, takapota seri chaiko. Zvino caribou iya yakarara ipapo chaipo, yakatitarisa, uye yainge isina kumbotiona. Inofanirwa kunge yaive yakakotsira. Zvino takaenda kumusoro tikayambuka kamwe kamukaha kadiki, ndokudzoka, ndokuuya tichikwidza kusvika mukati memayadhi makumi matatu kubva pairi. Heyo payaive irere. Mhuka huru iyi, hombe, yakasimuka kubva ipapo, zvino ndakaipfura.

¹⁷⁹ Uye patakanga takagara ipapo, tichibvisa musoro wacho, nezvimwe zvakadaro, kubva pairi, saizvozvo, Bud akati, “Makati nyanga idzi dzaive mainji makumi mana nemaviri here?”

Ndikati, “Ndizvozvo chaizvo.”

¹⁸⁰ Akati, “Hama Branham, dzinofanira kuva zana nemakumi mana nemaviri,” musoro mukuru kwazvo.

Ndikati, “Kwete. Dzinongova makumi mana nemaviri chaiwo.”

Akati, “Ndine tepimhezha zasi uko.”

Ndakati, “Unopokana nazvo here?”

Iye akati, “Kwete, changamire.”

¹⁸¹ Akati, “Asi, im bomirai zvishoma, hamuna kundiudza here kuti muchawana chitsere chipfumbu musati madzokera zasi? Paizove nechine mvere dziri sirivheri kumucheto, musati madzokera kwaive nemukomana uya, akapfeka shati yegirinhi?”

Ndikati, “Ichokwadi.”

¹⁸² Akatarisa shure zasi kwechikomo. Saka, hakuna chinhu chirefu *kudai*, hakuna zvachose. Chingori chikwindi chete, zvoga zvaunoona, mamaira nemamaira, zvingori zvikomo zviri kungoenda zvechikwindi. Akati, “Chiri kupi, Hama Branham?”

¹⁸³ Ndikati, “Vanogona kupa chimwe. Vakataura kudaro.” Ndakati, “Unopokana nazvo here, Bud?”

Iye akati, “Kwete, changamire.”

¹⁸⁴ Saka, tichidzika nechikomo, takauya *sezvizvi*. Aitakura pfuni kwechinguva, ini ndotakura musoro, zvino tozochinjana. Unotongofamba nedivi, uchidzika, nyanga idzodzo huru dzichingomaranzura chikwindi. Uye takasvika pane ingaita maira yacho. Takamira ndokutarisa-tarisa. Akati, “Chitsere chiya chekare chuve kuchifanira kuoneka, handiti here?”

Ndakati, “Ko iwe—ko iwe uri kunetseka nei?”

Akati, “Hapanा.”

¹⁸⁵ Takaenda mberi kusvika tasvika pane kadutu kadiki kechando kaiuya nepo. Takagara pasi ipapo ndokubva tatonhodzwa zvishoma. Iye akati, “Hama Branham, pafungei,” akati, “hatichisina pangadarika kunge, oo, pasingadariki hafu yemaira kuti tisvike pane vakomana vaye, uye pane imwe nzvimbo pakati pokubva pano neipapo muchauraya chitsere chine mvere dziri sirivheri kumucheto.”

¹⁸⁶ Ndikati, “Ndizvozvo. Ndizvozvo.” Akati... Ndakati, “Uri kupokana nazvo, Bud.”

¹⁸⁷ Akasimuka ndokundibata neruoko. Akati, “Hama Branham, munin’ina wangu haasati ambova kana nepfari kubva zuva

iroro kusvika rino.” Akati, “Mwari vakagona kukuudzai nezve munin’ina wangu, havangakunyeperei.”

Ndakati, “Bud, chichange chiripo.”

Akati, “Chichabva kupi?”

¹⁸⁸ Ndikati, “Handizivi, asi,” Ndakati, “Bud, ndine makumi mashanu nemaviri,” (zvadaro), uye ndakati, “ndakaona zviratidzo, kubvira ndichiri mwana. Uye pandakaona caribou iyi pano, yauraiwa, uye uone kana nyanga dzayo dzisiri mainji makumi mana nemaviri. Uye zvakare, chiratidzo chimwe chete, ndiri munzira yangu kudzokera zasi kwaiva nevamwe vaya, vandainge ndinavo, Ndakauraya chitsere ichi chine mvere dziri sirivheri kumucheto, chipfumbu.”

Akati, “Hama Branham, ndiri kuona kwemamaira makumi maviri.”

¹⁸⁹ Akati, “Mwari vachatofanira kuchidhonza kubva muvhу, kana kuchiunza pasi kubva kumatenga, kana zvimwewo.”

Ndikati, “Usanetseke. Chichange chiripo.”

¹⁹⁰ Takafamba mamwe mayadhi anenge zana. Akanga atonetawo zvakare. Uyu unorema mapaundi angangosvika zana nemakumi mashanu, musoro une nyanga uyu. Saka, tichidzika negomo, zvino a-akaugadzika pasi. Akati, “Fiyuu! Ndava kuda kutoparara.”

¹⁹¹ Ndakati, “Ehe.” Takabva tapinda mune kamwe kadondo kaduku, kadondo kemiti mipfupi ipapo, yakareba zvakada *kudai*. Paiva nezvihuta zvishoma zvaingobhururuka, uye paiva nehorwe, saka ndakadzikandira matombo saizvozvo.

Saka akati, “Makamboda here chero imwe yehorwe?”

Ndakati, “Kwete. Handitendi kudaro.”

¹⁹² Akati, “Dzinonaka. Dzinonaka sezvihuta.” Akati, “Hama Branham?” Akabvisa ngowani yake huru nhema, ndokuzvifefetedza. Akati, “Yave nguva yekuti chitsere chekare chiya chichioneka, handizvo here, vakomana?”

Zvino ndakati—ndakati, “Bud, uri kuzvipokana.”

¹⁹³ Akati, “Kwete. Handisi. Asi, Hama Branham, ini—ini—ini handisi kungonzwisisa.”

¹⁹⁴ Ndikati, “Kana neniwo handigone. Hazvisi zvangu kuti ndinzwisise. Zvangu ndezvokuti nditende.” Ameni. Mwari vari Kudenga vanoziva kuti zvinhu izvi ndezvechokwadi. Ndaigomira here pano ndotaura izvi, zvisiri zvechokwadi?

¹⁹⁵ Zvadaro ndakabva ndatanga kutendeuka, kuti ndimupe pfuti, uye kuti ini nditakure musoro. Zvino pandakatendeuka, ndakati, “Bud, une magirazi iwayo muhuro mako. Chii icho chakamira kumusoro uko padivi pechikomo?”

¹⁹⁶ Zvino akakandira magirazi mudenga. Akati, “Oo, chokwadi chaizvo,” akati, “kana isiri mombe yemukaka yemumwe munhu!” Hakuna chinhu chakadaro munyika. Akati, “Ndicho chitsere chipfumbu chikurusa chandati ndamboona muhupenyu hwangu. Zvino zvechokwadi chaizvo, honai zuva iro reyero riri kupenya pachiri. Ndechiya chine mvere dziri sirivheri kumucheto.” Akati, “Munoti chiri kure zvakadini?”

¹⁹⁷ Ndakati, “Chiri anenge mamaira maviri kumusoro uko.” Zvino takanga toda kuparara nekuneta. Akati...Ndakati, “Takamirira chii? Handeyi.”

Zvino akati, “Mune chokwadi chekuchipfura?”

Ndikati, “Chokwadi ndichachipfura.”

Akati, “Ndeipi pfuti iyo yamuri kushandisa ipapo?”

¹⁹⁸ Ndakati, “Zvino, usazvinetse naizvozvo.” (Zvino kapfuti kadiki-diki imwe hama yakandipa pamusangano pane imwe nguva, makore akawanda apfuura.) Uye ndakati... (Ka .270 kadiki, kakachipa.) Zvino ndakati, “Zvakanaka. Ndakachipfura...Ini...Zvichava sokudaro.”

¹⁹⁹ Takaramba tichiswedera pedyo. Uye kuswedera pedyo kwataiita, ndiko kuwedzera kukura chitsere chiya chairatidzika pachezvacho. Oo, chairatidzika sezimurwi remahuswa akawoma chakagara kumusoro ikoko pamusoro chikwindi ichocco, munoziva. Chakamira, chiri chinhu chakakura, kwazvo, chihombe, musoro wakafara zvakada *kudai*, munoziva, uye shaya dzakabuda kunze, mazitsoka makuru kwazvo. Zvino chakanga chichidzura matavi maduku emablueberry, saizvozvo, munoziva, chichiadya. Uye chakagadzikana kwazvo, chimuchinda chikuru kwazvo! Taive anenge, oo, angangoita mayadhi mazana masere kubva pachiri.

²⁰⁰ Akati, “Nhai, Hama Branham, ko-ko makambopfura chitsere chipfumbu kumashure here?”

²⁰¹ Ndakati, “Ndakapfura zvitsere zvizhinji, Bud, asi handina kumbobvira ndapfura chitsere chipfumbu chine mvere dziri sirivheri kumucheto.”

²⁰² Akati, “Munoziva, chine mvere dziri sirivheri kumucheto ndicho chinorwisa zvikurusa pane zvese.”

Ndakati, “Hongu, ndakazvinzwisia izvozvo.”

Akati, “Hachizivi kufa.”

Ini ndikati, “Saka?”

²⁰³ Akati, “Regai... Muri kure zvaka—zvaka—zvakadini...? Munofanirwa kusvika pedyo zvakadini kuti muchipfure neiyoyo?”

²⁰⁴ Zvino, chingomubvunzai. Munyorerei tsamba. Ndinokupai kero yacho. Akati, “Chero ani hake ngaandinyorere pamusoro

pazvo, anoda, pane chero chipi zvacho chezvinhu izvozvo. Regai ndigovaudza." Uye saka . . .

Zvino ndikati, "Saka?" Ndakati . . .

Akati, "Zvino?"

²⁰⁵ Ndakati, "Kwete, kwete. Ndakanga ndiri pedyo kupfuura apa, Bud. Ndaitove, pedyo-pedyo nacho."

²⁰⁶ Akati, "Tava kusvika pedyo kwazvo zvino. Chinokwanisa kuuya kuzorwisa chero nguva."

²⁰⁷ Ndakati, "Ndinozviziva. Asi," ndakati, "Bud," ndakati, "zvichanaka."

²⁰⁸ Akati, "Zvino, pamunopfura chitsere," akati, "zvino, Hama Branham, munochipfura kumusana. Munofanira kuchipedza simba, nokuti chicharamba chichirwisa, hachizokwanisi kusimuka ipapo."

Ndakati, "Kwete, maererano nechiratidzo, ndakachipfura pamwoyo."

Akati, "Ndinovimba hamuna kukanganisa pane izvozvo."

²⁰⁹ Ndakati—ndakati, "handina." Ndakati, "Ndinozvirangarira izvozvo." Nokuti, mu—muchiratidzo, uri mu—uri muhana imwe, uye dzese, sezvatakazvitsanangura humwe husiku. Uri mune mbiri. Haugone kuzvikanganwa. Maona? Saka hezvoka izvo.

²¹⁰ Saka takapinda zvakare, anenge—anenge mayadhi mazana maviri namakumi mashanu. Ndiwo waingove mukaha mudiki wekupedzisira watakapfura. Zvino ndakati, "Kunge ndipo pacho chaipo zvino. Chitarise. Hachina runako here?"

Akati, "Hongu, ndinodaira chakadaro."

²¹¹ Uye—uye Ndakati, "Zvakanaka, Bud. Zvino pandinosimuka kubva pano, chiri kuuya." Zvino ndikati, "Iwe chingotarisa."

Zvino akati, "Ndichange ndakatarisa."

²¹² Saka ndakaisa bara mumupongoro wepfuti, munoziva. Zvino takanga tiri zasi pasi pekamukaha aka. Ndichingosimuka, hechinoi chichiuya. Ini zvangu, ini zvangu! Ndakamira, ndokupfura, zvino yakangonzwika sepfuti isina chainoita payakachipfura. Vakomana, hazvina kana kumbochimisa, zvachose. Uye, ini zvangu, ndisati . . .

²¹³ Ungataure zvekumhanya hazvo! Handisati ndakamboona chinhu chakafanana naichocho. Icho, zvaimhanya kukunda bhiza, nondo, kana chero chinhu, munoziva, chitsere chinogona, saizvozvo. Icho chichiuya chichidzika chaizvo nechikomo ichocho, chakananga chaiko kwatiri, saizvozvo.

²¹⁴ Uye ini, ndisati ndakwanisa kuisa rimwe bara mupfuti, chakadonhera pasi chafa, anenge, oo, angangoita mayadhi makumi matatu, makumi mana kubva pandiri, chikangokunguruka; ndokubvisa mwoyo, mapapu, nezvose,

kubva machiri. Raiva bara reNosler, imi vanopakira unga munyere nemaoko munoziva. Saka ra—rakachiputsa, zvino chikawira pasi.

²¹⁵ Bud, akamira ipapo, akatarisako, akanga achena kwazvo pamuromo wose chaipo. Akati, “Hama Branham, ndanga ndisingadi kuti chive pamakumbo pangu.”

Ndakati, “Kana nenivo.”

²¹⁶ Akati, “Fiyuu.” Akati, “Ndinoda kukuudzai, mushure mekunge zvapera, vakomana. Zvokuti dai changa chisiri chimwe chezviratidzo izvozvo, uye chandakaona chichiitika kumashure, ndingadai ndisina kumbouya kumusoro kuno, pedyo zvakadaro nechitsere ichocho, pamwe chete nemi.”

²¹⁷ Uye hapana kana mumwe wedu aikwanisa kuchitsukunyutsa. Chairema kunge chiuru chemapaundi, ndinofungidzira, saka, muchinda muhombe, akakura. Hatina kukwanisa kuchigadzira, takatora...kuchivhiya. Takatanga kudzika zasi. Zvino takati...“Hama Branham?” Takatakura nyanga. Akati, “Kana nyanga idzodzo dziri chaiwo mainji makumi mana nemaviri,” akati, “ndichangoita zvekumhanya bani.”

²¹⁸ Ndakati, “Zviri nani uve nako izvozvi, zvino, nokuti ndizvo zvazviri.”

²¹⁹ Akati, “Handisati ndamboona a—a—a...Zviri kuita kwandiri sendiri kurota izvi.”

²²⁰ Zvino patakati tasvika zasi ikoko, ndikati kuna—kuna Eddie, ndakati, “Zvino tarisa. Blaine achaisa maoko ake.”

²²¹ Zvino, munorangarira, paive nekaruoko kakanga kari panyanga iyi. Munorangarira here, Hama Fred, matauriro andakakuudzai kuti zvichava?

Uye ini ndikati, “Iwe zvitarise,” kuna Eddie.

Uye saka Bud akati, “Mirai.” Akatora bhiza rake ikoko.

²²² Uye taiva nechitsere patiri, munoziva, uye iwo mabhiza achingokwachura zvinhu zvose. Munoziva maitiro aanoita kana anhuwidza chitsere chipfumbu kana chero mhando yechitsere. Saka nda—ndakaendako, ndikabata, ndichiedza kubata bhiza, bhiza rinotasywa raiedza kutiza.

²²³ Zvino akaenda ndokunotora tepimhezha yake, ndokuuya achifamba neche ipapo, akanditarisa, *sokudai*. Akati, “Huya kuno, Blaine.” Ndakagunzva Eddie nechibhakera. Ndokuiisa pasi pane ichi. Ameni. Uye zvechokwadi chaizvo, mainji makumi mana nemaviri, chaipo-ipo!

²²⁴ Zvino, nyanga idzodzo dzinosvava angaita mainji maviri kana dzaoma. Chitsere ichocho chipfumbu chakarara mukamuri yangu yepakavanda, uye nyanga dzacho dzakarembera pamadziro. Uyo anogadzira matehwe emhuka akanga

adzigadzira, nekudzigadzirisa. Pane tepimhezha yakarembera padziri, mainji makumi mana nemaviri, chaiwo.

²²⁵ Zvino, Mwari vangaudzirei munhu chimwe chinhu chakadaro, nezve rwendo rwekuvhima?

²²⁶ Pandakadzoka, amai vakanga vachirwara. Ndakaenda kunovaona. Vakati, “Billy?” Munona, Vakanga vachindikurudzira, vachindigadzirira chimwe chinhu.

Ndakati, “Amai, Ishe vagara vachikupodzai.”

Vakati, “Billy, ndiri kuenda Kumusha kunoona baba.”

“Oo,” ndakati, “amai, musataure saizvozvo.”

Vakati, “Hongu, ndiri.” Ndakavanamatira.

Uye Hama Fred nezvapupu zvose izvi zvigere pano zvinoziva.

²²⁷ Zvino, chinhu chinotevera munoziva, vakavaisa muchipatara. Chiremba haana kana kutomboziva kuti chii chainetsa. Saka, ndakabuda kunovanamatira. Vakati, “Mwanakomana, ndave kuenda.” Uye zvino, amai vangu vakanga vari mudzimai akasimba, zvakadaro.

²²⁸ Rimwe zuva, mazuva mashoma mushure mazvo, ndakafamba ndichipinda. Vakanga vakamira ipapo, vakatarisa kumusoro chaiko kuMatenga. Vakati, “Billy, ndiri kukuona.”

Ndakati, “Handiti, chokwadi, amai.” Vakati, “Ndiri kukuona ipo pano.”

²²⁹ Vakati, “Oo, wakura kwazvo, Bill,” vakati, “bvudzi rako jena nendebvu zvakangorembera pamwe chete. Une ruoko rwako rwakambundira pamuchinjikwa, uchinanavira kwandiri.” Ndakava nezivo yakanaka ipapo, zvakanga zviri izvo.

Zvino, imi hama pano munozviziva kuti ichokwadi.

²³⁰ Zuva raitevera raive Svondo. Ndaiparidza. Vakanditumira shoko, “Venyu...”

Ndakati, “Handitendi kuti amai vari kuenda. Mwari vanogara vachindiratidza, vanhu vekwangu vachienda. Asi, amai, haVana kumbondiratidza chinhu pamusoro pazvo.” Herino shoko ndokuuya. Zvino ndakanga ndiri pakati peMharidzo yangu, sezzivvi. Mumwe munhu akapinda, akati, “Endai, endai kuna mai venyu izvozvi. Vafonerei. Vari kufa, panguva ino.”

²³¹ Ndakati, “Rufu, imbovasiya vakadaro. Shoko raMwari rinokosha kudarika izvozvo.”

²³² Murume uyu akagara ipo pano, Hama Borders. Mushure mekunge shumiro yapera, ndakabuda kunoona amai vangu. Ndakasangana naHama Borders. Vakati, “Hama Branham, hamusi chaizvo mafiti matanhatushi, asi ndaona murume wemafiti gumi akamira papurupiti mangwanani ano.”

Ndakati, "Hama Borders, Mwari vachagadzirisira amai zvose izvozvo."

²³³ Zvino mazuva mashoma mushure maizvozvo, vakandidaidza mukamuri, zvino vakanga vava kuenda zvechokwadi. Takaunganidza vana, vakamira vakatenderedza mubhedha. Ndakati, "Amai, muri kuenda chaizvo here?"

Vakati, "Hongu." Ipapo vakazenge vasisagone kutaura zvachose.

²³⁴ Ndakaramba ndichivaudza, "Jesu anorevei kwamuri, amai?" Ndinorangarira ndichivabhabhatidza muZita raKe, kare, kunze mumvura. Ndakati, "Ndiudzei zvaAnoreva kwamuri zvino."

Vakati, "Kupfuura hupenyu kwandiri."

²³⁵ Ndakati, "Amai, kana muri kuenda, ndiri mwanakomana wenyu, mu...muparidzi. Ndinoda kuziva, kubva kuna amai vangu chaivo vari kunosangana naMwari. Ndinoda kubata ruoko rwenyu pano, amai."

Ndikati, "ndinoda kuti mudaro." Ndakaramba ndakarwubata.

²³⁶ Vakanga vasisagoni kutaura. Vaiita sekunge vaive vooma mitezo, chiso chavo. Ndakati, "Hamuchagona kutaura here, amai?" Havana kukwanisa...Ndakati, "Teerera! Jesu achiri zvimwe chete kwamuri here?" Vaigona kugutsurira musoro wavo.

²³⁷ Ipapo vakazosvika panzvimbo yavakanga vasisagone kugutsurira musoro wavo zvachose. Ndikati, "Amai, Jesu ndiyе zvese kwamuri here zvino? Ari kuuyira imi, munguva shoma. Zvese, kwamuri?" Havana kugona kupfakanyika.

²³⁸ Ndakati, "Amai, mune chinhu chimwe chete, imi... Ndiri kuona muri kubwaira maziso enyu. Kana Jesu achiri kungoreva zvimwe chete kwamuri sezvaAgara achiita, nezuva randakakubhabhatidzai mumvura, bwaira-bwairai maziso enyu nekukurumidza." Vaka bwaira-bwaira maziso avo, nemisodzi ichiyerera pasi, saizvozvo.

²³⁹ Zvino Mhepo shoma yakauya, ichivhuvhutira mukamuri. Amai vakaenda Kumusha.

²⁴⁰ Ndakasvika kumba, ndabuda kuimba kwevanoviga zvitunha, ndikatora hembe. Oo, munoziva zvazviri. Waifanira kuita zvimwe chetezvo. Vana vose vachichema, mumwe ari zasi mune imwe nzvimbo, uye mumwe, mumwewo. Ndakati, "Amai ndivo vaive musimboti. Hatichafi takava zvimwe chete zvakare." Doc nemhuri yake vari mukona *iyi*. Jesse nemhuri yake vari mukona *iyo*. Tainge tichangobva kuviga Howard, nguva pfupi yadarika. Ndakati, "Saka, taenda, vakomana." Ndakati, "Ticha...Hatichazouyi kuzoonana. Amai vaive mbiru yedu." Ndikati, "Hatichazonane, zvakanyanya zvakare."

²⁴¹ Ndakaenda kumba, husiku, mushure mekunge taita kuti hembe dzavo dzitorwe. Ndakaenda kumba.

²⁴² Mai D'Amico, pane anovaziva here, vekuChicago? Vanga vari shamwari inodikanwa yemumbuserere. Vakanga vandipa Bhaibheri. (Ruregerero.) Uye rakanga riri rimwe remaBhaibheri aya ane mavara matsvuku ane zipi pariri. Zvino mumwe munhu, pandakaparidza mharidzo iya, *Gwayana NeNjiva*, vakanga vanditumira njiva mbiri, sechibatiso. Imwe hama yangu, Hama Norman, vakanga vanditumira njiva diki, negwayana, Hama yangu Borders vakandipa gwayana. Ndakatora Bhaibheri. Meda akanga ari mune imwe kona, achichema.

²⁴³ Uye imi mose Varume veMabhizimu pano munoziva, pandakanga ndiri kuJamaica, ndakaona ambuya vangu, ndakakuudzai patafura kunze uko kuJamaica. Ndakati, "Mumwe wevanhu vangu ari kufa, asina kana mazino. Ndiri kuvaona vachienda." Patafura chaipo, Demos Shakarian nevamwe vose vagere ipapo. Maawa mashoma kubva ipapo, ambuya vangu vakangopotsa vadonha vachifa, nguva imwe, munoonaa, vasina mazino, chaizvoizvo.

²⁴⁴ Ndakati, "Ndaona murume wechidiki achipfira ropa." Ndakafona, ndikati, "Usarega Billy..."

²⁴⁵ Pane here pano aive ku—musangano wekuJamaica ikoko panguva iyoyo ku—kuJamaica, Kingston? Handisi kukwanisa kuona. Hongu. Pane vaviri. Saka zvino...

²⁴⁶ Ini ndikati, "Anofanira...Billy, usaende kumusoro ikoko. Ndaona mumwe muchinda wechidiki achipfira ropa." Uye aiva tsano vangu. Vakaenda, vakabuda ropa pakafa mai vavo. Zvakangovarovesa nehana zvikuru.

²⁴⁷ Zvino ndakamira pano zuva iroro, ndakanhonga Bhaibheri iri. Ndikati, "Baba, handizivi. Pamwe rudo rweNy whole, Hamuna kundiratidza kuenda kwavo. Asi ndiri kushushikana kwazvo, Mwari. Mungandipawo here shoko renyaradzo kubva muShoko reNy?" Ndikati, "Regai ndingoverenga chimwe chinhu chinonyaradza, chinondinyaradza." Ndakangorega Bhaibheri richiyhurika saizvozvo. Hapo pazvaiva, mavara makuru matsvuku, "Haana kufa, asi avete." Ndakapinda mukamuri. Takaenda kunorara.

²⁴⁸ Dzinenge eight o'clock, mangwanani aitevera, ndakamuka. Vaizovagadzira, nguva dzinenge dzamasikati, saka taizodzika kunovaona. Meda akabuda kunotora kudya kwemangwanani kwevana, uye Joe mudiki achichema. Becky mune imwe kona, achiri kuchema, "Ndichazoonaa ambuya futi here?"

²⁴⁹ Ndiyakati, "Hongu. Hongu. Uchavaona. Vangori mhiri, vakakwira kumusoro." Ndakati, "Ivo, tichavaona zvakare." Uye vaida vana vadiki ivavo, munoziva.

²⁵⁰ Uye, saka, uye vose vakanga vachichema, “Tinogona here kuona ambuya masikati ano?”

²⁵¹ Ndakati, “Munogona kuona mutumbi wavaigara mauri, asi ambuya vaenda kunova nevamwe mbuya venyu, ivo kumusoro Kudenga.”

²⁵² Zvino Joe haana kugona kuzvinzwisisa, mukomana wangu mudiki, munoziva. Akanga asingatongogoni kuzvinzwisisa. Akati, “Zvino ambuya vachadzoka here pasi manheru ano?”

²⁵³ Zvino ndikati, “Kwete, kwete. Handizivi kuti vachadzoka rindi. Kana Jesu auya, vachadzoka.”

²⁵⁴ Uye ndakanga ndakamira ipapo. Zvino ndakatendeuka, ndichipinda mukamuri. Uye pandakadaro...Usandikumbire kuti ndizvitsanangure. Hapana nzira yekuzvitsanangura. Ndakazviona ndimire kunze uko, zvime chete sekutarisa kwandakaita paungano ino. Zvino ndaitungamira nziyo. Handina kumbozviita izvozvo. Handitombokwanise kana kuimba, zvachose. Saka, zvino paiva neboka guru, hombe kwazvo revanhu.

²⁵⁵ Kudivi *rino*, o—odhitoriyamu yaiita sekunge paive panze, tingati, oo, handizive kuti mungazvidaidza kuti kudii, sekunge muchidzika chikomo, uye yakaita senhandare yemitambo. Uye yaive kumashure-shure kwazvo, mitsetse yaive, kusvika yaifanira kusimudzwa *sezvizvi*, saka avo vaive kure-kure kumashure vaifanirwa kutarisa *uku*. Asi vose vakanga vari pakati chaipo...Mitsara mitatu chete, *sezvizvi*. Uye nepakati chaipo pakanga pakaita semitsara yehuswa hwakaunganidzwa mukati, yevana vadiki vakaoma mitezo, vakaremara vakarara mumitsara iyoyo.

²⁵⁶ Uye ndakanga ndakapfeka sutu nhema, uye ndaiimba, “Vaunzei mukati, vaunzei mukati, hunzai vaduku kuna Jesu.” Tinorwuimba kuchechi, kakati wandei, kunyanya mukukumikidza vana. Uye pakanga paine, sekunge bho-bhokisi apa, apo paigara vanhu vane mukurumbira, uye purupiti yaive pedyo naipapo. Asi ndakanga ndiri zasi, ndichitungamirira nziyo. Uye pakarepo, ini ndakamira ipapo, ndakazvitarisa, ipapo...Oo, usaedze kuzvifunga, nekuti haugone. Zvino pandakange ndiri *apa*, pakabva pazova *pano*. Handizive. Mbiri dzacho dzakaenda pamwe chete. Uye zviri...

Chinhu chakanaka kana mbiri dzako dzikaenda pamwe chete.

²⁵⁷ Ndakatora kamera kumusoro ikoko. Ndichidzika pasi, ndakanga ndisingazine kuti ndinotora sei mufananidzo. Ndakatarisa nemuchinhu chacho, zvino, nhai vedu, ndaigona kuona zvinhu zvishanu kana zvitanhatus zvakasiyana. Saka ndakatanga kuigadzirisa maonero. Billy akandiudza, akati, “Igadzirisei maonero, zvino zvinozouya kuita chimwe.”

²⁵⁸ Ipfungwa yakanaka kuita izvozvo, munoziva. Unoona zvinhu zvakasiyana kana iwe ukatanga kugadzirisa maonero. Uye shandisa Shoko raMwari kuti unangise maonero paVari, uye ucha—uchaona zvandiri kutaura nevvazvo. Asi Rinangise, kutanga, munoona.

²⁵⁹ Saka ndakamira ipapo, ndakatarisa, zvino ndakapinda muchiratidzo ichocho. Uye ndiri imomo, ndakacherechedza munhu ane mukurumbira achidzoka kumashure kwenzvimbio iyi. Uye vai...Ndakati, “Zvakana, vari kuuya kubhokisi revane mukurumbira.” Saka vakauya vachifamba nenzira *iyi*. Uye ndakafunga, “Saka, ndichaimba zvakare apo mudzimai uyo achiuya.” Akanga akapfeka zvechinyakare.

²⁶⁰ Zvino, vamwe venyu madzimai mucharangarira izvi, pavaipfeka mhando dzemasiketi, tingati, neche *apa*, uye yaidzika zasi-zasi nepamusoro peshangu dzakasungwa. Uye vaive nemhando yakaita seyakazara...Munodaidza zvinhu izvozvo kuti chii, se—sezvakapfekwa nemudzimai uyu pano zvino? Bhurausi iro. Bhurausi, chimwe chezvinhu izvozvo zvakadaro, uye raiva nemaoko marefu pariri. Munoorangarira here? Uye raikwira kuhuro kuno, riine kamwe kamhando kechinhuru chebhatanu diki chaipinda muno umu. Zvino, vakapfeka ngowani huru kwazvo, yakapendekerwa mudenga parutivi. Uye madzimai, mazuva iwayo, vaichengeta vhudzi refu. Saka vairirembedza pasi *sezvizvi*, voisa ngowani pariri, vozoisa pini mairi, munoziva, kuti irambe iri ipapo, nokuti vaifanira kutasva vakagara vakaisa makumbo ese kudivi rimwe rebhiza nezvimwe.

²⁶¹ Saka mudzimai uyu akanga achiuya kumusoro ikoko, uye munhu wose akanga achiremekedza mudzimai uyu. Uye ndakafunga, “Saka, achaenda kubhokisi revane mukurumbira.”

²⁶² Saka, zvino, ndakati, “Kamwe zvakare, vese vari kudivi *iri*, ‘Vapinzei mukati.’ Zvino neche *apa*, ‘Vapinzei mukati.’ Zvino vese vari pakati, mese pamwe chete zvino, ‘Hunzai vaduku kuna Jesu.’”

²⁶³ Ndichingotaura kudaro, mudzimai uyu ainge atopinda mubhokisi. Ndaiona, paakapinda mubhokisi, munhu vese akasimuka. Uye vainge vachiita kunge sekundai, vachimuchingamidza, uye iye achivachingamidza.

²⁶⁴ Ndakafunga, “Saka, yave nguva yekuti ndiparidze. Ndichaenda ndichinonamatira vanhu ivavo vanorwara.” Ndakakwira pano pa—papurupiti, *sezvizvi*, uye bhokisi rakanga riri chaipo, oo, pedyo sehamma iyi yakagara *apa*. Zvino ndakatendeuka, *sezvizvi*.

²⁶⁵ Ndakafunga, “Saka, zvino, mudzimai iyeye achandikotamira, saka ndichangomuchingamidza.” Uye saka pandakatendeuka, akanga atoisa musoro wake pasi, *sezvizvi*. Ndakanga ndakatsiksira musoro wangu pasi, *sezvizvi*. Zvino

pandakasimudza musoro wangu, panguva imwe cheteyo, ndikasanganidzana naye, vaiva amai, vari vechidiki, vaine runako.

Ndakavatarisa. Ndikati, “Amai?”

Vakati, “Billy”

²⁶⁶ Uye pakare ipapo, mheni yakatanga kuppenya muchivakwa ichi, mabhanan’ana akatinhira, uye kumwe kuzunguzika kukauya. Zvino Inzwi rakati, “Usatya pamusoro paamai vako.” Rikati, “Vari zvime chetezvo zvavakanga vari muna 1906.”

Ini ndikati, “Chii, 1906?”

Zvino Meda akati, “Chii chiri kukunetsa?” Mudzimai wangu.

Ndikati, “Mudiwa, 1906 yaive chii?”

Akati, “Sei?”

Ndikati, “Chiratidzo, ndaona amai vakamira ipo pano.”

Akati, “Waona chii?”

Ndikati, “Ndaona amai.”

Akati, “Chokwadi chaicho here, Bill?”

²⁶⁷ Ndikati, “Hongu. Vanga vakamira ipo pano, uye vanga vaine runako. Zvino Vakati...” Ndakati, “Vanga vachingori mudzimai wechidiki.”

²⁶⁸ Saka ndakaenda ndikatora nhoroondo yekare yemhuri. Munoziva zvavaiva muna 1906? Mwenga wababa vangu. Ndiro gore ravakaroorwa. Zvino vava chikamu chemumwe Mwenga, Mwenga waShe Jesu.

²⁶⁹ Mumwe munhu anobva kune imwe nzvimbo akanditumira nikeri. Ndinaro pano muhomwe yangu, 1906.

²⁷⁰ “Zvino Iwo, Mweya Mutsvene, kana Wauya, Uchakuzarurirai zvinhu izvo zvaNdakareva, uye uchakuratidzai zvinhu zvinouya.”

²⁷¹ Zvino, chii? Rwendo rwekunovhima rwaingondigadzirira bedzi, munoona. Rumwe rwenzendo dzakanakisa dzandakambotora, ndichiziva kuti, kushungurudzika kukuru uku. Ndirwo rwaiva rudo. Uye, hama, hanzvadzi, kana zvime zviratidzo zvose izvi zvanga zviri izvo chaizvo, pane zvakaratidzwa noMweya Mutsvene, unofanira kunge uri Mweya Mutsvene. Bhaibheri rakataura, kuti, “Kana zvikaitika, zvino ainge ari Iye.”

²⁷² Bva, itariro yakadini yatinayo! Rimwe zuva tichabva panzvimbo ino. Tiri kudzokera kuva murume nemudzimai wechidiki, tisingazofizve zvachose. Ndingasva ndaziva izvozvo pane kuziva kuti ndaizove mutungamiri wepasi rose uye ndorarama kwemakore miriyoni. Ndingasva ndaziva kuti ndiri muruoko rwaMwari.

²⁷³ Uye ndinofara kuziva, manheru ano, kuti Jesu mumwe chete iyeye akataura chitaurwa ichocco, Ari pano, mushure mezviuru zviviri zvemakore. Munona, haRigoni kuparara. NderaZiyendanakuenda. Uye ndiYe Jesu mumwe chete manheru ano sezvaAiva zuva raAkataura chitaurwa ichochi. Uye Acharamba achisimbisa Shoko iroro, kana tikaRitenda. Munozvitenda here?

²⁷⁴ “Kana Iwo, Mweya Mutsvene, wauya, haUzotauri nezvaWo. Asi Uchatora zvinhu, izvo zviri zvaNgu,” ndiro Shoko, “uye uchakuratidzai izvozvo. Uye zvino, zvakare, Uchakuratidzai zvinhu zvichauya.”

²⁷⁵ MuBhuku ra—raVaHebheru, chitsauko 4, Bhaibheri rakati, “Shoko raMwari rinodarika pakupinza . . .”

²⁷⁶ Zvino, Ndiani aive Shoko? Jesu. “Pakutanga Shoko rakanga riripo, uye Shoko rakanga riri kuna Mwari, uye Shoko rakanga riri Mwari. Shoko rakaitwa nyama. Kugara . . .”

²⁷⁷ “Shoko raMwari rinopinza kudarika munondo unochecka nekumativi maviri, rino baya kunyange kupatsanura, nekumwongo webvupa, uye Munzveri wemifungo iri mumoyo.”

²⁷⁸ Ndivo Mwari vedu. Hatina kurasika, shamwari. Tichiri munyasha dzaMwari. Ndi—ndinonzwa, kutaura nezvechero chinhu, uye kutaura nezvakapfuura . . . Uye sezvandakatura manheru apfuura, apo vadzidzi vaya pavaiedza kurarama nemusangano wavakava nawo nezuro wacho, vachitarisira mumwe, asi vakakanganwa kuti Musiki wacho wemhepo nemafungu akanga arere muigwa.

²⁷⁹ Mwari vakanga vari kumusoro uko mumakomo iwayo, kuti vaise chitsere chine mvere dzesirivheri kumucheto, maererano neShoko raVo, chirere pasi ipapo, seumbowo.

²⁸⁰ Zvino, kana muchida kunyorera murume iyeye, ingonyorera Bud Southwick, S-o-u-t-h-w-i-c-k, Bud Southwick, Fort Saint John, British Columbia, uye mongomurega achikupindurai. Uye gara zviya, kana uri kutora rwendo rwokunovhima, ndiye muchinda akanaka wekuenda naye.

²⁸¹ Zvino cherechedzai. Akazvitaura izvozvo pakati pevavhimi vose ivavo kukwira nokudzika nemugwagwa iwoyo, kusvikira ndinotenda kuti ndichava nemusangano chaiwo nguva inotevera pandichaenda kumusoro ikoko, ndichingova nevatungamiri bedzi, hongu, kuona zvinhu izvozvo zvichiitika nenzira chaiyo yazvinoita. Raive gore rakapera.

²⁸² Rino ndiro gore rino, iko zvino. Jesu mumwe chete akaita vimbiso iyoyo, akati, “Handimbofi ndakakusiyai kana kukurasai. Ndichava nemi nguva dzose, kusvikira kumagumo enyika.” Munozvitenda here izvozvo?

²⁸³ Nehumbowo hwakadaro, nechokwadi chakadaro chakasimbiswa, chokwadi chamazvirokwazvo, tingazonzwa sei

neimwe nzira zvayo kunze kwekuda kungopfuura nepadenga iro, tobvutwa? Takarega here zvinhu zvenyika zvichitishaisa hanyn'a, nenzira yakadaro, apo, patinoona zvinhu zvakakosha zvakadaro zviri zvamazviokwazvo, zvichiratidzwa kuti ichokwadi?

²⁸⁴ Zvino, munhu wose anorwara ari muno, kana ukatenda chete mumwe chete iYeye akaita vimbiso iyoyo, uye nemumwe chete iYeye akabvisa pfari dziya pamukomana uya, murume uya, ndiYe Mwari mumwe chete ari pano chaipo zvino. Dai ndaigona kuzvibvisa pauri, ndaizviita, asi handikwanise kuzviita. Akatokubhadharira izvozvo kare, uye chinhu choga chaunofanira kuita kuzvitenda.

²⁸⁵ Ko kana dai mukomana ainge akawira pasi nepfari, zvino mukadzi mudiki akati, "Zvino, shati iyoyo inei nechekuita nazvo?" Izvozvo pamwe hazvingashandi pane mumwewo munhu. Maona? Paari chete, nokuti zvakatumirwa kwaari. Naamani akazvinyudza murwizi kanomwe; asi mumwewo munhu, akazvinyudza, pamwe hazvaizopedza maperembudzi ake. Maona? Asi cherechedzai. Ndeizvo zvaAnotaura zvinova chokwadi, chakasimbiswa, chokwadi chakakwana.

²⁸⁶ Zvino, nguva dzaenda, kuti ndidane kunyang'e mutsara wekunamatirwa. Ngati—ngatimbozvimisai izvozvo kwechinguvana.

²⁸⁷ Ngatimbofungei. Ndizvo zvakavimbiswa naMwari here? Ndiwo unenge uri Mweya Mutsvene wechokwadi unoita izvozvo. Ndizvo here? Saka, ndiani aizotaura kuti Wakanga usiri Mweya Mutsvene? Wakanga uri. "Ini naBaba vaNgu tiri Mumwe." Mweya Mutsvene waive Baba vaKe. "Achabereka. Chinhu Chitsvene ichocco chakaitwa maari ndeche Mweya Mutsvene." Saka, Mweya Mutsvene naMwari Mweya mumwe chete, uye Waiva maAri.

²⁸⁸ Uye tarisai zvaAkaita apo mudzimai paakabata nguwo yaKe, paAkatarisa paungano akaziva pfungwa dzavo. Shoko haritauri here, kuti, "Shoko raMwari rinopinza kudarika munondo unochecka nokumativi maviri, Rinonzvera mifungo yemoyo"? HaAvimbise here, muna Mutsvene Johane 12, kana kuti Mutsvene Johane 14:12, kuti, "Uyo anotenda maNdiri, mabasa aNdinoita naiye achaaitawo"? Kana kuti, zvakambokundikana here, kunze kwekuti ichokwadi?

²⁸⁹ Zvino, Mwari vari pano. Vari pano kuita kuti munhu wese ari muno apore. Vari pano kuponesa mweya wose wakarasika. Uye ndisati ndadana vanhu kuartari, sezvandinonza kutungamirwa kuti ndiite, munoono, kuti ndidane vanhu kuartari ino, ngatimbodanai kwaVari. Vangani venyu vacharasikirwa, kana vanoti, "Kana ndikagona..." Zvichida vatorwa pano, vanoti, "Handina kumboona mumwe wemisangano iyoyo. Nda—ndakanzwa vanhu

vachitaura pamusoro pezvinhu izvi, asi ini—ini handisati ndambozviona chaizvoizvo. Zvingasimudzira mwoyo wangu kana ndikakwanisa kuona Hupo hwaKristu chaihwo huchipinda pakati pevanhu hwoita chinhu chimwe chete ichocho chaAkaita.” Zvingakusimudzira here?

²⁹⁰ Ngatikotamisei misoro yedu; shoko. Ziso rose rakavharwa. Zvino regai Mweya, unotevera Shoko.

²⁹¹ Zvino, Baba, ndine, zvakanakisisa zvandinoziva, Munoziva mwoyo wangu... Ndichiziva kuti vanhu ava vari kutambudzika nekupisa uku, uye kuti vakadzvikinyidzana mukati, vakamira, asi vanga vaine moyo murefu. Ndinogona kufungidzira kuti yakanga iri mhando yemhomho imwe cheteyo yaive yakamira pamahombekombe zuva riya ndokuKunzwai muchitaura muri muigwa. Uye zvadaro Makavaudza, “Endai kwakadzika uye mudzikise mambure kuti mubate hove.” Kwete kuona kana paine dzimwe ipapo. Dzakanga dziripo.

²⁹² Uye kuti mashoko aya akatsaurwa emuapostora akati, “Ishe, takukudza husiku hwose uye hatina chatawana; asi zvisinei hazvo, paShoko reNyu tichadzikisa mambure.” Uye pavakateerera Shoko reNyu, vakabata hove zhinji, kunyangwe kusvikira mambure avo akatanga kutsemuka.

²⁹³ Ishe Jesu, pasina kupokana kuti vakadzi vazhinji vakasiya nhumbi dzavo dzekuwacha mangwanani iwayo, varume vazhinji vakasiya minda yavo, vachibva pazvirimwa, varedzi vakasiya mambure avo, kuti vanzwe Shoko raMwari. Ishe Jesu, kana dai Maive pano muchimiro chenyama manheru ano, ndinopokana kana pangave nevamwe vazhinji vanopfuura avo vakaungana, vaizoungana. Asi vanhu ava vanotenda kuti haMuna kufa, kuti Makamuka kubva kuvakafa, uye Munoratidza Shoko reNyu nokuchengeta Shoko reNyu, Shoko randavaverengera kubva muMagwaro matsvene manheru ano.

²⁹⁴ Uye saIshe vedu pane imwe nguva vakatambidzwa Bhaibheri, kana kuti bhu—Bhuku rekumoneredza, uye Vakaverenga, zvino Vakagara pasi. Zvino Vakati, “Nhasi uno Rugwaro urwu rwazadzikiswa.”

²⁹⁵ Ngazviitike zvakare, Ishe. Ngazvive zvakare, kuti nhasi uno chaiye, manheru ano chaiwo, kuti Rugwaro rwandaverenga rwuzadziswe. Uye tose tanga tichidzidzisa, muvhiki rose, kuti ndicho chaifanira kuva chinhu chachochi chaifanira kuratidza nguva yekupedzisira. Uye zvadaro mwoyo yedu ichaenda, ichifara.

²⁹⁶ Panogona kunge paine vazhinji pano, Ishe, vaMuri kutaura navo. Tibatsireiwo manheru ano kuziva Shoko reNyu, Shoko reNyu rakasimbisia kuva Chokwadi. Zviitei, Baba.

²⁹⁷ Uye takakotamisa misoro yedu, kuti ichingori nzira yekuongorora, kuzvidzikamisa kubva pakuparidza. Vangani venyu vari muno, asiri zvemazvirokwazvo Mukristu akazvarwa

patsva? Zvino, unogona kuenda kuchechi, asi handizvo zvandiri kubvunza. Uri...Kana usiri Mukristu akazvarwa patsva, asi uchitenda kuti kuna Jesu mupenyu, Mweya Mutsvene wemazvirokwazvo, uye unoda kurangarirwa kwaAri zvino, haungada here, apo musoro wose wakakotamiswa zvino, uye nemaziso akavharwa, ingosimudza ruoko rwako kwaAri, "Ishe, ndirangarirei"? Mwari vakuropafadzei. Mwari vakuropafadzei, imi, imi. Mwari vakuropafadzei. Mwari vakuropafadzei. Zvakanaka kwazvo. Pane vamwe here?

²⁹⁸ Zvino, hatisi vazhinji kwazvo pahuwandum. Asi, munoziva, inyika ndiyo inotsvaka zvinhu zvikuru uye nemanhamba makuru? Sezvatakataura manheru apfuura, kaingova kanzwi kadiki, kakanyarara kakakwezva muporofita kuti auye mberi aine chiso chake chakafukidza.

²⁹⁹ Zvino, iwe iva nekutenda muna Mwari. Hama yangu, hanzvadzi yangu, iva nokutenda muna Mwari. Uye kana Ishe vedu vakuru Jesu, vane mutsa vakauya pane Shoko iri pano, Shoko raVo Vomene, rakazaruka, uye vokuratidzai kuti Mweya Mutsvene uyu, wandinotaura nezvawo, iChokwadi! Munogona kunge makavhiringika kakawanda nezvinhu zvakawanda, asi zvinoratidza chete kuti kune cheChokwadi kumwe kunhu. Uye paVanoita izvozvo, ndinoda kuti imi masimudza maoko enyu, kuti muuye, mundione, kwechinguvana.

Zvino munogona kusimudza misoro yenu.

³⁰⁰ Ishe Jesu, torai shumiro ino mumaoko eNyus zvino. Ndiri muranda weNyus. Uye kuparidza kwose...Shoko rimwe chete rinobva kwaMuri richareva zvakawanda kupfuura zvatingataura muhupenyu hwose; Shoko rimwe bedzi. Zviitei zvino, Baba, pandinokumikidza izvi, zvapupu izvozvo. Munoziva kuti ndezve chokwadi, Baba. NdiMi Uyo akazvipa. Uye hazvina kumbobvira zvakakundika. Zviitei, nemuZita rajeSusu. Ameni.

³⁰¹ Zvino, vanhu vangani vari muno, vasina makadhi okunamatirwa, vanorwara? Simudzai maoko enyu, kwese-kwese muchivakwa, vasina makadhi okunamatirwa, uye vanorwara. Zvakanaka. Uye avo vane makadhi okunamatirwa, simudza ruoko rwako. Vakada kufanana. Uye vese vakasangana.

³⁰² Zvino, kutarisa napamusoro peungano, kutanga, kuva ndakatendeseka pamberi paMwari nepamberi pe...imi. Ndinozviziva, ndakatarisa neche apa, kuti dzimwe shamwari dzangu dzakagara mukona ino. Hama Noel, vavo—vavo... uye Hanzvadzi Jones, naHama Outlaw, mwanakomana wangu, hama idzi dziri pano, naHama Moore. Handizivi hama iyi, asi ndakavaona mumisangano, nguva shoma dzapfuura. Imi handikwanise kurangarira zita rehama iyi, naivovo, asi ndinongovaziva nechiso. Hanzvadzi iri ipo pano, Hanzvadzi Williams. Hanzvadzi Sharrit vakagara pakona. Kumashure-

shure chaiko kune vamwe vanhu vanobva kutabhenakeri kuJeffersonville.

³⁰³ Vakagara ipo pano ishamwari yangu yekare inokosha, ine makore makumi mapfumbamwe okuberekwa, inovba kuOhio, inotyaira ichidambura nemunyika. Uye ndiri kuenda kuAfrica, uye ivo nomudzimai wavo akaivonaka vakakumbira kana vaigona kuenda nenii kuAfrica. Vakati, “Tichabhadhara...” Makore makumi mapfumbamwe, hama yechiJerimanii, haina kumboziva Ishe. Pandakaparidza humwe husiku, vakauya vakapfeka mbatya dzavo dzakanaka, kuti vabhabhatidzwe. Makore makumi mapfumbamwe ekuberekwa! Kunze kwe...

³⁰⁴ Ndinotenda, oo, ava ndiHama Waldrop naHanzvadzi Waldrop vagere apo. Zvino, ndivo vanenge vacho...naHama Borders. Zvino, ndivo vanenge vose.

³⁰⁵ Zvino, ndiri kudaidza mazita avo. Zvino, kana imi munondiziva saizvozvo, musanamata. Maona? Ndinyengeterereiwo. Maona?

³⁰⁶ Asi ndinoda imi musingandizivi, uye munoziva kuti handikuzivei, ndinoda kuti uti mumoyo mako, “Ishe Jesu, ndanzwa izvi zvichitaurwa nezvazvo. Nda—ndanzwa mushumiri uyu manheru ano achieverenga izvi kubva muBhaibheri. Ndanzwa zvapupu izvozvo, uye ndakanzwazvakafanana, munoziva, zvenguva dzakasiyana apo izvi pazvakaitika. Tava pedyo kudaro nemagumo here, Ishe? Tava pedyo kudaro here?”

³⁰⁷ Rangarirai, chiratidzo ichocco pachakaitwa kuSodhoma, guta riya rakatsva, Jesu akataura nezvaro, akati, “Sezvazvaive...” Ndicho chaiva chiratidzo chokupedzisira chavakagamuchira guta racho risati raparadzwa. Uye Jesu akati zvichava zvinodzokororwa pakuuya kweMwanakomana wemunhu.

³⁰⁸ Zvino, munoziva kuti ndizvozvo, kuti sei...Mwari, Mwari munyama! Vangani vanotenda kuti ndiMwari vakataura naAbrahama? Hongu. Hongu, Bhaibheri rinoti, “Erohimu,” saka, ivo—ndivo Musiki mu—mu—mukuru wematenga nenyika, Avo vakazvikwanira muna zvose. Vakanga varipo.

³⁰⁹ Chii chaVairatidza? Vaive mumutumbi wemunhu, vakamira ipapo ndokudya nyama yemhuru, nokunwa mukaka wemhou, uyezve vokwanisa kunyangadika zvekusaoneka. “Ndichakushanyirai maererano nenguva yaNdakakuvimbisai.” Maona? Vakamudana nezita rake. Uye musana waVo wakafuratira, vakati, “Sara ari kupi?”

Akati, “Ari mutende shure kweNyu.”

Vakati, “Ndichakushanyirai maererano nenguva yohupenyu.”

³¹⁰ Zvino Sara ndokuti, “Hmm, hmm,” shure mutende.

³¹¹ Vakati, “Sei Sara aseka?” Rangarirai, Bhaibheri rakati akanga ari mutende shure kwaVo. Vakati, “Sei Sara aseka?”

Sara akati, “Handina.”

Akati, “Hongu, wadaro.” Maona? Ndizvozvo chaizvo.

³¹² Murume akamira ipapo, Mwari vachiZvimiririra vari munyama yemunhu. Jesu akati zvichava zvimwe chete pakuya kweMwanakomana wemunhu: Mwari muChechi yaVo, iwe, ini, vachiZvimiririra. Zvino, pakanga paine mukadzi mudiki . . .

³¹³ Mwari pavakanga vari muna Kristu, Aive neMweya muhuzaro. Akanga ari Mwari. Ini ndingori mumwe wevaranda vaKe, uye iwe ungori mumwe wevaranda vaKe. Tine mwe—Mweya ne—nechiyero. Akanga ainaWo pasina chiyero. “MaAri maigara huzaro weHumwari mumutumbi.” Mandiri munongova nechipo chidiki, uye mamuri mune chipo, chaKe. Asi, zvisinei kuti chidiki sei, Mweya mumwe chete.

³¹⁴ Zvino, kana uri Mweya waMwari, Uchaita mabasa aMwari. Zvino, iwe namata uchiti, “Ishe Jesu, mudzimai mudiki pane imwe nguva akabata nguwo yaKe.” Uye tinoti . . .

³¹⁵ Kuno muTestamende Itsva, akati muna VaHebheru, akati, “Ndiye Muprista Mukuru iko zvino, anogona kubatwa nemanzwiro ehutera hwedu.” Vangani vanoziva kuti iBhaibheri? Itai, “Ameni.” [Ungano inoti, “Ameni.”—Mupepeti] Chokwadi. Saka, zvinofanira kuva chokwadi.

³¹⁶ Saka, kana Ari mumwe chete zuro, nhasi, nokusingaperi, Angakupindura sei? Zvimwe chete sezvaAkaita nezuro, kana Ari mumwe chete nhasi.

³¹⁷ Zvino, iwe namata uye uti, “Ishe Jesu, regai ndibate nguwo yeNy. Uye zvakare, Makapa Hama Branham kachipo kaduku, kuti vatikurudzire. Uye havandizive. (Ndakagara kumashure-shure *kuno*; uye neche *kuno*; uye zasi *kuno*; uye chero papi pandigere . . .) Havandizivi, asi Munondiziva. Uye regai ndione Mweya weNy mukuru, Ishe. Kwete sokuti ndinofanira kuzviita, asi kungobatsira kundikurudzira nevamwe vose, nokuti taverenga Shoko. Regai ndibate nguwo yeNy, zvino iMi mozondipindura. Regai ndishandiswe manheru ano, Ishe, nokuda kwechinangwa ichocco. Zvicharatidza ungano yose kuti Muchiri mupenyu.” Zvinova zvinoshamisa kana Vakaita izvozvo?

³¹⁸ Zvino, iwe chingonamata, iwe pachako, chinyararire. Iti, “Ishe, regai ndibate nguwo yeNy.” Uye ndichazvipira kuMweya, uyewo dai Mweya Mutsvene waita zvimwe zvese. Nokuti, zvino, ndataura, ndapupura, asi handichakwanisa kuita zvimezve zvino. Ndiri pamagumo enzira yangu.

³¹⁹ Ndinongotarisa ungano, kuti ndione kana ini . . . Ndinofanira kuzviona, munoziva. Munozvinzwisia izvozvo.

³²⁰ Kumashure kuruboshwe rwangu, kumashure-shure, nechepakati shure kwechivakwa, pane mudzimai ari kunamata. Ari kuda kutofa, kana Mwari vakasamubatsira. Ane kenza, uye kenza iri pazamu rake. Oo, dai akasazvipotsa!

Ndibatsirei, O Ishe.

Hanzvadzi, kana mukatenda! Oo, ini zvangu! Ari kuzozvipotsa.

Ishe Jesu, tibatsirei, tinonamata.

³²¹ Mary May. Hezvoka izvo. Tiri vatorwa mumwe kune mumwe here? Handikuzive. Iwe haundizive. Ndiwo anga ari mamiriro acho here, uye izvo...zvese zvataurwa ichokwadi here? Zvino, tenda. Zvichapera. Ameni.

³²² Zvino, kubva parima ranga riri pamusoro pake, pava nechiedza. Zvirokwazvo sezvakangoita mukomana uya, pfari dzakagarira kure naye. Mwari vamwe chete, Avo vakanga vari kumusoro uko kumasango ekuchamhembe, ndiMwari vamwe chete pano. Ingoramba uchitenda. Ameni. “Kana uchigona kutenda!”

³²³ HeChinoi chiri pamusoro pemudzimai akagara pano pamberi pangu. Ane chimwe chinhu chakakanganisika kumusana kwake. Ibvupa repamusana rakabuda kunze, kumusana kwake. Iye—iye haasi wekuno. Anobva kuMontana. Zita rake anonzi Muzvare Stubbs. Simukai, gamuchirai kuporeswa kwenyu muZita raJesu Kristu.

Hamufanire kumanikidzira. Dekarai.

³²⁴ Muchinda mukuru agere pano, akanditarisa, achiita sokudai. Tenda. Uchapora. Une dambudziko rekuhuta-huta. Kana ukazvitenda, Mwari vachakupodza.

³²⁵ Mudzimai ane dambudziko remadzimai. Zvitendei, uye munogona kupora. Dzokerai kumba, uye muve nokutenda muna Mwari. Sei ndati dzokerai kumba? Munotofanira kudzokera kuNew Mexico, kuti musvikeko, Baba naMai Watkins. Zvino, munoziva kuti handikuzivei. Ameni.

³²⁶ Mudzimai ari kumashure kwenyu chaiko, ane ronda iro pagumbo, Muzvare Brown. Munotenda here kuti Mwari vachakuporesa? Munoratidza kuva nehanyn'a kwazvo. Zvino, munoziva kuti handina kumbokuonai muhupenyu hwangu. Pagumbo rekuruboshwe. Zvino, tendai nemoyo wenyu wese, muchapora.

³²⁷ Mudzimai ari kuedza kufamba, uye ane arthritis. Iri kumusunga, zvakaipa. Mai Fairhead, tendai nomwoyo wenyu wose, uye muchapora. Zvino, munoziva kuti handina kumbokuonai muhupenyu hwangu. Kuti, oo...[Hanzvadzi inoti, “...ndakapodzwa kumashure. Ndakambopodzwa kumashure, uye ndinoziva kuti Uchandipodza.”—Mupepeti] Ameni. Hongu.

³²⁸ Munotenda here nemoyo wenu wose zvino? Zvino, Uchaitei? “Uchatora zvinhu zvandakakuudzai, uye uchazviratidza kwamuri. Uye zvakare Uchakuratidzai zvinhu zvichaya.” Munoona here zvandiri kureva? MunoVatenda here?

Zvino ngatikotamisei misoro yedu zvakare.

³²⁹ Zvino, iwe unoziva kuti kana ukafa uchibva muhupenyu huno husiku huno, kuti uchave...haungagoni...unenge uchisipo, hauna kuzvarwa patsva. “Kunze kwekunge munhu azvarwa patsva, haangatongooni Humambo.” Wadii wauya *pano* chaipo? Mira pano uye rega ndikunamatire, ipo pano, muchinguvana. Ungauya here iko zvino muHupo hweMweya uyu?

³³⁰ Haufe wakaona chimwe chinhu chakadarika pakukura chichiitika kusvikira waona Kuuya kwaShe. Zvino, chingorangarira. Zvirokwazvo ndinoziva zvandiri kutaura pamusoro pazvo, kana kuti haVaizopa shumiro yacho. Usazvirega zvichikupfuura zvino. Wakaperera here?

³³¹ Ungauyawo here? Kana usiri, zvino, pakati pako naMwari, ndipo pazviri. Ini handina mhosva. Ndakachena paropa rose, nokuti ndakuudzai Chokwadi. Ndakuparidzirai Shoko. Ndakuudzai zvaVaiva. Zvino Ivo, paVakauya, Vakaratidza zvaVaiva ipapo; uye Vanonditendera kuti ndiratidze zvaVari zvino. Ndivo vamwe chete sezvaVaiva panguva iyoyo. Munozvitenda here?

³³² Zvino, vangani vanorwara vari muno zvino, vamwe vari pano vari kurwara? Simudzai maoko enyu.

³³³ Zvino isai maoko enyu pamusoro pemumwe nemumwe, uye ngatikunamatirei munamato wekutenda.

³³⁴ Zvino ndinoda kukubunzai chimwe chinhu, chinyararire. Kana Mwari, kana Mwari vachigona kuuya uye vozoita chishamiso ichocco! Chishamiso chimwe chinhu chisingagone kutsanangurwa. Zvino, kana uchida kubvunza chero mumwe wevanhu ava vari pano, enda unovabvunza, chero nguva chero kupi zvako. Maona? Ingorangarira, ndiMwari. Izvi pano zvinongori zviratidzo zvidiki. Ndiani—ndiani, chii chiri kuita izvozvo? Ndiwe, iwe pachako. Ndimi muri kuita izvozvo.

³³⁵ Munoona, mudzimai uya paakabata hanzu yaKe, Akati, “Simba rabuda maNdiri.” Asi Baba pavakaMuratidza nezvaRazaro, zvino Akaenda kure ndokudzoka, ndokumutsa Razaro kubva kuvakafa, haAna kumbotaura kuti “simba.” Vakange vari Mwari vaishandisa chipo chaVo pachaVo, uye mumwe wacho aive mudzimai aishandisa chipo chaMwari.

³³⁶ Handisi chipo chaMwari. Jesu Kristu ndiyе Chipo chaMwari. Chingori chipo chaVakandipa, chekuti ndakazvarwa ndakadaro, nehana yemukati uye nehana yekuziva (hana yekutanga) zviri pamwe chete chaipo. Hauendi kunokotsira; unongozviona.

Mweya Mutsvene unouya pane hana yemukati sezvaUnoita pahana yekutanga. Kana Ukauya pahana yako yemukati, unenge uine chiroto chemweya. Ukauya pane yangu, handirote. Ndinongotarisa ipapo ndozviona. Maona? Uye, takazvarwa, haugone kuti uzviite chero chinhu chakasiyana. Wakazvarwa wakadaro. Maona? "Zvipo nekudanwa hazvinei nekutendeuka." Chiri kufanira kuitei? Kuratidza Jesu Kristu. Ndiye mumwe chete zuro, nhasi, nokusingaperi.

³³⁷ Nemaoko enyu akaturikwa pane mumwe nemumwe, ndinovimba kuti muchaisa mwoyo yenu muchengetedzo yaMwari iko zvino, "Ishe, ndinzverei. Ndava chaizvo here nechiveve kubudikidza nezvinhu zvenyika, zvekuti ndiri kutadza kuona nguva huru iyi iri kupfuura?"

³³⁸ Munoziva, ndiyo nzira yazvagara zviri. Zvakapinda nemuchechi chaimo, uye havana kumbovviziva. Inhorondo. Musazvirega zvichipfuura, shamwari, kuona shoko richiratidzwa, nguva nenguva, kuona Shoko raMwari richisimbisa, uye Jesu Kristu Pauzima akauya pakati chaipo pevanhu ava ndokuita chaizvo nenzira yaAkaita kare.

³³⁹ Baba voKudenga, ndinonzwa zvino, Ishe, kuti Shoko reNyru raverengwa. Chapupu chapihwa. Mweya Mutsvene waburuka ndokusimbisa Shoko iroro pamwe nechapupu. Zvino zvave mumaoko evanhу, Ishe. Zvava kwavari. Hapano chimwezve chandinoziva chokutaura. Uye handizivi pamusoro pechero chinhu chaMakanyora muShoko, chaMungaita, nokuti Makavapodza nechekare. Ndezvekungovaita kuti vazvitende. Uye Imi muchiita chinhu chakadai, zvino ko tingaramba tichipokana sei? Ko tingabvumira sei Satani kuramba akaisa chiveve pahana yedu?

³⁴⁰ Satani, ndinotaura kuporeswa uku pavanhу ava, uye ndinoti kwauri, "Ndinokuraira, nemuZita ralshe Jesu Kristu, buda muno. Buda, nemuZita rajesu Kristu, uye rega vanhu ava vaende."

³⁴¹ Zvino, kana muchiMutenda, mirai netsoka dzenyu. Munotenda here? Simukai netsoka dzenyu zvino, uye mupe Mwari rumbidzo. Simukai muzvitende. Musazvipokane zvakare.

³⁴² MuZita rajesu Kristu, regai Mweya Mutsvene uunze mufaro, simba, rumuko, Hupenyu kuvanhу ava, Ishe.

³⁴³ Mupei rumbidzo zvino, uye murumbidze Zita rakes dzvene. TinoMuda. TinoMurumbidza. TinoMuyemura, Iye asingaenzaniswi, Iye Wokusingaperi, Mwanakomana waMwari mupenyu. NemuZita rakes, Mugamuchirei. Ari pano. Ameni. 

MWEYA WEZVOKWADI SHO63-0118
(Spirit Of Truth)

Mharidzo iyi neHama William Marrion Branham, yakaparidza kwokutanga neChirungu Chishanu manheru, Ndira 18, 1963, paChurch Of All Nations muPhoenix, Arizona, U.S.A., yakazotorwa kubva patepi yakarhekodwa ndokuzodhindhwa muChirungu pasina chakamurwa. Kuturikirwa uku muchiShona kwakazodhindhwa nokugoverwa neve Voice Of God Recordings.

SHONA

©2022 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org